



| |
|------|
| C40 |
| 4514 |
| 79 |



C40-45-14

了翁上座請大藏及有
家書置之武州紫雲山
我微笑塔院庭府中永
為學子不敢許出院內
當山三世鐵牛機謹誌



B 64853

別譯雜阿含經卷第六

上 失譯人名附秦錄



如是我聞。一時佛在優樓頻螺聚落尼連河岸菩提
樹下成佛未久。爾時世尊獨坐思惟。而作是念。夫人
無敬心。不能恭順於其尊長。不受教誨。無所畏憚。縱
情自逸。永失義利。若如是者。眾苦纏集。若人孝事尊
長。敬養畏慎。隨順不逆。所願滿足。得大義利。若如是
者。觸事安樂。復作是念。一切世間。若天若人。若天世
界。若人世界。若魔世界。若梵世界。沙門婆羅門。一切
世間。有生類中。若有戒定慧解脫解脫知見。勝於我

經

別譯雜阿含經卷第六

一

八

者我當親近依止於彼供養恭敬遍觀察已都不見
於世間人天魔梵沙門婆羅門一切世間有勝於我
戒定慧解脫解脫知見爲我依止復作是念我所覺
法我今應當親近供養恭敬誠心尊重何以故過去
諸佛一切皆悉親近依止供養恭敬尊重斯法未來
現在諸佛亦復親近依止斯法供養恭敬生尊重心
我今亦當如過去未來現在諸佛親近依止供養恭
敬尊重於法爾時梵王天王遙知世尊在優樓頻螺
聚落尼連河岸菩提樹下而作是念觀察世間若天
若人若魔若梵沙門婆羅門一切生類若有勝我戒

定慧解脫解脫知見者我當依止然都不見有能勝
我者又復觀察過去未來現在諸佛悉皆親近依止
於法供養恭敬生尊重心我今亦當隨三世佛之所
應作親近依止供養恭敬尊重於法時梵王天復作
是念我當從此處沒往到佛所時梵王天譬如壯士
屈伸臂頃來至佛所白佛言世尊實如所念誠如所
念卽說偈言

過去現在諸如來

未來世中一切佛

是諸正覺能除惱

一切皆依法爲師

親近于法依止住

斯是三世諸佛法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

聖賢傳名經卷下

二

三

是故欲尊於己者

應先尊重敬彼法

宜當憶念佛所教

尊重供養無上法

爾時梵王讚歎世尊深生隨喜作禮而去

如是我聞一時佛在優樓頻螺聚落尼連河側菩提樹下成佛未久佛於樹下獨坐思惟而作是念唯有一道能淨衆生使離苦惱亦能除滅不善惡業獲正法利所言法者卽四念處云何名爲四念處耶觀身念處觀受念處觀心念處觀法念處若人不修四念處者爲遠離賢聖之法遠離聖道若離聖道卽遠離甘露若遠離甘露則不免生老病死憂悲苦惱如是

等人我說終不能得離於一切諸苦若修四念處卽親近賢聖法者若親近賢聖法卽親近賢聖道若親近賢聖道卽親近甘露法若親近甘露法卽能得免生老病死憂悲苦惱若免生老病死憂悲苦惱如是等人卽脫離苦時梵王天遙知如來心之所念作是念言我於今者當至佛所隨喜勸善思惟是已譬如壯士屈伸臂頃來至佛所頂禮佛足在一面立白佛言誠如世尊心之所念唯有一道能淨衆生乃至得免憂悲苦惱時梵王天卽說偈言

唯此道出要 斯處可精勤 欲求遠離苦

唯有一道 若涉斯道者 如鶴飛空逝
 釋迦牟尼尊 逮得于佛道 一切正導師
 當以此覺道 顯示於衆生 常應數數說
 咸令一切知 生有之邊際 唯願說一道
 愍濟諸衆生 過去一切佛 從斯道得度
 未來及今佛 亦從此道度 云何名爲度
 能度瀑駛流 究竟於無邊 調伏得極得
 世間悉生死 解知一切界 爲於見眼者
 宣明如此道 譬如彼恒河 流赴於大海
 聖道亦如是 佛爲開顯現 斯道如彼河

趣於甘露海 昔來未曾聞 轉妙法輪音
 唯願天人尊 度老病死者 一切所歸命
 爲轉妙法輪

時梵王天頂禮佛足卽沒而去
 如是我聞一時佛在舍衛國祇樹給孤獨園時梵王
 天於其中夜光明倍常來請佛所禮佛足已在一面
 坐梵王威光照于時會赫然大明卽於座上而說偈
 言

刹利二足尊 種姓真正者 明行已具足
 人天中最勝

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

法苑珠林卷之五

四

福

佛告梵王言誠如是言誠如是言刹利二足尊種姓
真正者明行已具足天人中最勝時梵王天聞佛所
說踊躍歡喜頂禮佛足於彼座沒還于天宮

如是我聞一時佛遊拘薩羅國時彼國中有一阿蘭
若住處爾時世尊與諸大眾比丘僧俱在彼止宿於
時世尊讚斯住處說阿蘭若住處法時梵王天知如
來遊於拘薩羅與比丘眾止宿阿蘭若住處讚歎阿
蘭若住處說阿蘭若住處法梵王天王作是念言我
今當詣佛所讚歎隨喜時梵王天即於彼沒譬如壯
士屈伸臂頃來詣佛所頂禮佛足在一面坐即說曰

言

處靜有敷具 應斷於結縛 若不能愛樂

還應住僧中 恒應正憶念 調根行乞食

具足禁戒者 應至空靜處 放捨於怖懼

堅住於無畏 斷除憍慢者 堅心處中住

如是我所聞 不應懷疑惑 一千阿羅漢

於此斷生死 學者二五百 千一百須陀

隨流修正道 終不趣邪徑 不能具宣說

諸道得果者 所以不能施 畏懼不信敬

時梵王天說是偈已頂禮佛足還于天宮

如是我聞一時佛在釋翅迦毗羅衛林與五百大比丘衆俱皆是阿羅漢諸漏已盡所作已辦捨於重擔逮得已利盡於後有無復結使正智解脫復有十世界大威德諸天來至佛所問訊佛僧于時世尊說於隨順涅槃之法有四梵身天各作是念今佛在釋翅迦毗羅衛林與五百比丘僧俱皆是大阿羅漢諸漏已盡所作已辦捨於重擔逮得已利盡於後有無復結使正智解脫復有十世界大威德天來至佛所問訊佛僧世尊爲其說於隨順涅槃之法我於今者當往於彼佛世尊所時梵身天作是念已卽於彼沒譬

如壯士屈伸臂頃來至佛所頂禮佛足在一面立時

第一梵身天而說偈言

今於此林中 集會于大衆 是故我等來
正欲觀衆僧 不以不善心 壞僧破和合

第二梵身天復說偈言

比丘誠實心 宜應務精勤 猶如善御者
制馬令調順 比丘亦如是 應制御諸根

第三梵身天復說偈言

譬如野馬被羈繫 拔柱蹋壅安隱出
諸比丘等亦如是 拔三毒柱斷欲壅

世尊導師之所調

能出是等大龍象

第四梵身天復說偈言

諸有歸依於佛者

人中捨形得天身

時四梵身天各說偈已在於僧中敬心戰慄作禮而去

如是我聞一時佛在王舍城迦蘭陀竹林時梵王天於其中夜威光甚明來至佛所爾時世尊入火光三昧時梵王天作是心念今者如來入於三昧我來至此甚為非時當爾之時提婆逢多親友瞿迦黎比丘謗舍利弗及大目連此梵王天即請其所扣瞿迦黎

門喚言瞿迦黎瞿迦黎汝於舍利弗目連當生淨信彼二尊者心淨柔輒梵行具足汝作是謗後於長夜受諸衰苦瞿迦黎即問之言汝為是誰答曰我是梵王天瞿迦黎言佛記汝得阿那含耶梵王答言實爾瞿迦黎言阿那含名為不還汝云何還梵王天復作是念如此等人不應與語而說偈言

欲測無量法

智者所不應

若測無量法

必為所燒害

時梵王天說是偈已即往佛所頂禮佛足在一面坐以瞿迦黎所說因緣具白世尊佛告梵王實爾實爾

欲測無量法能燒凡夫爾時世尊卽說偈言

夫人生世 斧在口中 由其惡口

自斬其身 應讚者毀 應毀者讚

如斯惡人 終不見樂 迦黎僞謗

於佛賢聖 迦黎爲重 百千地獄

時阿浮陀 毀謗賢聖 口意惡故

入此地獄

時梵王天聞是偈已禮佛而退

如是我聞 一時佛在舍衛國祇樹給孤獨園時有二

天一名小勝善閉梵二名小勝光梵欲來詣佛時婆

迦梵見此二梵卽問之曰欲何所至二梵答言我等

欲往詣世尊所問訊禮敬時婆迦梵卽說偈言

四梵字鶴雀 三梵名爲金 七十二五百

名曰爲餘毗 汝觀我金色 赫然而明盛

所有威光明 暉光蔽梵天 云何不觀我

乃欲詣佛所

爾時二梵以偈答言

汝今有少光 映蔽于梵天 當知此光色

皆有諸過患 明智得解脫 不樂斯光色

爾時二梵說是偈已來詣佛所頂禮佛足在一面坐

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛藏經卷之

北

三

二梵白佛言世尊我等欲來見佛時婆迦梵因問我言欲何所至我等答言欲詣佛所時婆迦梵說此偈言

四梵名鶴雀 三梵名爲金 七十二五百

名曰爲餘毗 汝觀我金色 赫然大熾盛

所有身光明 暉光蔽梵天 云何不觀我

乃欲詣佛所

我等卽便說偈答言

汝今有少光 曠蔽於梵天 當知此光色

皆有諸過患 智者得解脫 不樂斯光色

佛言梵天實爾實爾彼梵雖復少有光色曠蔽梵天當知光色皆有過患智者解了不應樂此佛爲二梵種種說法示教利喜二梵聞法歡喜頂禮還于天宮如是我聞一時佛在舍衛國祇樹給孤獨園時婆迦梵生於邪見言此處常堅實不壞不復往來於其生死若有過此不往來者無有是處爾時世尊知婆迦梵心之所念如來爾時譬如壯士屈伸臂頃尋卽往彼婆迦梵宮時婆迦梵語佛言大僊此處是常堅實不壞都無往來若有過此無往來者無有是處佛語梵言此處無常汝今云何橫生常想此處敗壞而復

經

可差摩訶

七

八

橫生不敗壞想此處不定橫生定想此處往來汝今
橫生不往來想更有勝處都無往來汝便橫生更無
勝想時婆迦梵卽說偈言

七十二梵作勝福

悉皆於此而終歿

一切諸梵皆知我

唯我在此不退沒

爾時世尊復說偈言

汝謂爲長壽

其實壽短促

我知汝壽命

百千尼羅浮

時婆迦梵說偈答言

婆伽婆世尊

汝智實無盡

過於生老憂

爲具眼者說

我先造何業

修何等戒行

在此梵天上

壽命得延長

爾時世尊復說偈言

往昔有羣賊

劫掠壞聚落

剝脫繫縛人

大取於財物

汝當于爾時

甚有大勇力

救解於諸人

然復不加害

尋共彼諸人

一劫中修善

慈仁好惠施

復能持戒行

汝於睡及寤

宜憶本所行

又有人乘船

於彼恒河中

惡龍捉船人

盡欲加毒害

汝時爲神僊

救濟於彼命

此汝昔日時

修戒之所致

時婆迦梵卽說偈言

汝實能知我 壽命之脩短 更有諸餘事

汝亦悉知之 汝光甚熾盛 能蔽於諸梵

靡所不了達 故名婆伽婆

爾時世尊爲婆迦梵說種種法示教利喜尋復於彼
沒還于祇洹

如是我聞一時佛在舍衛國祇樹給孤獨園時有一
梵起大邪見而作是言我此處常不見有能生於我
宮況復有能過於我上者爾時世尊入于三昧從聞

浮提沒現於梵頂虛空中坐尊者憍陳如以淨天眼
觀於世尊爲至何處卽知如來在梵頂上虛空中坐
時憍陳如亦是定於此而沒現梵頂上處如來下
在於東面時尊者摩訶迦葉以淨天眼觀於如來爲
至何處尋知世尊在梵頂上復入此定於此處沒在
如來下現梵頂上在於南面尊者目連以淨天眼觀
於如來爲至何處尋知世尊在梵頂上卽入是定於
此處沒現梵頂上處如來下在於西面時尊者阿那
律復以淨天眼觀察如來爲至何處尋知世尊在梵
頂上亦是定於此處沒現梵頂上處如來下在於

北而爾時世尊告梵天言汝本所見爲捨以不復告
梵天汝本心念我不見有能生我宮者況能出過汝
今試觀此等大身容貌光明勝汝以不時梵白佛唯
然已見而今見之斯等光明昔所不見而今見之斯
等光明眞爲殊勝自今已後更不敢言此處常恒無
有變易佛告梵天此處無常空自在佛爲彼梵種
種說法示教利喜入如是三昧從彼梵沒還于祇洹
尊者憍陳如摩訶迦葉阿那律等亦爲彼梵種種說
法示教利喜亦入是定從彼處沒還于祇洹唯尊者
大目犍連在彼而坐爾時彼梵問目連言世尊弟子

頗有如汝有大威德神足者不目連答言諸餘聲聞
亦有如是威德神足尊者目連卽說偈言

牟尼弟子大羅漢

有大威德具三明

得盡諸漏知他心

能現神變化羣生

如是聲聞甚衆多

是故汝今宜恭敬

時尊者目連說是偈已種種說法示教利喜亦入是
定從彼梵沒還於祇洹

如是我聞一時佛在拘尸那竭力士生地婆羅林中
爾時如來涅槃時到告阿難曰汝可爲我於雙樹間
北首敷座于時阿難受佛勅已於雙樹間北首敷座

既敷座已還至佛所頂禮佛足在一面坐白佛言世
尊我於雙樹間北首敷座所作已竟爾時世尊卽從
座起往趣雙樹敷上北首右脅而臥足足相累繫心
在明起於念覺先作涅槃想爾時拘尸那竭國有一
梵志名須跋陀羅先住彼國其年朽邁一百二十時
彼國中諸力士輩供養恭敬尊重讚歎謂是阿羅漢
時須跋陀羅傳聞人說婆伽婆於今日夜當入涅槃
作是念言我於法中有所疑惑唯有瞿曇必能解釋
決我所疑作是念已卽出拘尸那竭往詣娑羅林尊
者阿難在外經行時須跋陀羅見阿難已卽詣其听

白阿難言我聞他說沙門瞿曇於今日中夜當入無
餘涅槃吾今須見諮決所疑阿難答言梵志佛身疲
倦汝今擾惱須跋陀羅白阿難言我聞如來今日中
夜入無餘涅槃我昔曾聞宿舊僊言若如來至真等
正覺出現於世如優曇鉢華難可值遇我有少疑思
得諮決願聽我見如是三請阿難答言莫擾惱佛爾
時世尊以淨天耳遙聞阿難遮須跋陀羅不聽前進
佛告阿難莫遮彼人聽其前進隨意問難時須跋陀
羅聞佛慈矜聽令前進踊躍歡喜卽至佛所問訊已
訖在一面坐白佛言世尊我有少疑聽我問不佛言

恣汝所問須跋陀羅既蒙聽許白佛言世尊外道六師種種異見富蘭那迦葉末迦梨俱賒黎子阿闍耶毗羅胝子阿闍多翅舍婆羅迦尼陀迦旃延尼乾陀闍提子斯等六師各自稱已爲世尊意爲實得一切智不爾時世尊卽說偈言

三十一出家 爾來過五十 推求諸善法

戒定行明達 一切諸世間 不知實方所

况知實法者 若修八正道 能獲於初果

乃至第四果 若不修八正 初果不可知

況復第四果 我於大眾中 說法師子吼

如此正法外 亦無有沙門 及與娑羅門

佛說是時須跋陀羅遠塵離垢得法眼淨時須跋陀羅整鬱多羅僧合掌向佛白佛言世尊我今已得過三惡道時須跋陀羅白阿難言善哉阿難汝獲大利爲佛弟子給侍第一我於今者亦得善利於佛法中願得出家阿難合掌白佛言須跋陀羅於佛法中願樂出家爾時世尊卽告須跋陀羅善來比丘鬚髮自落法衣著身卽得具戒得具戒已卽成羅漢須跋陀羅卽作是念我今不忍見於世尊入般涅槃我當先入須跋陀羅卽時先入涅槃如來於後亦入涅槃爾

時衆中有一比丘而說偈言

雙樹入涅槃 枝條遍四布 上下而雨華

繽紛散佛上 所以雨華者 世尊入涅槃

釋提桓因復說偈言

諸行無常 是生滅法 生滅滅已

乃名涅槃

時梵主天復說偈言

世間有生類 捨身歸終滅 今者大聖尊

具足于十力 世尊無等倫 今入於涅槃

時尊者阿那律復說偈言

法王意正住 出入息已斷 如來所成就

行力悉滿足 今入於涅槃 其心無怖畏

都捨于諸受 如油盡燈滅 滅有入涅槃

心意得解脫

時衆觀已身毛皆豎佛入涅槃始經七日爾時阿難

闍維如來右繞說偈

大悲梵世尊 體同真淨寶 有大神通力

火出自然身 千氎用纏身 內外二不燒

如是我聞一時佛在舍衛國祇樹給孤獨園時有一

比丘尼名曰曠野於其晨朝著衣持鉢入城乞食食

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

訖洗鉢將欲向彼得眼林中時魔王波旬作是心念
瞿曇沙門今在舍衛得眼林中其弟子曠野比丘尼
入城乞食食訖洗鉢收攝坐具將欲往詣於彼林間
我當爲其而作擾亂爾時波旬化作摩納於彼路側
問曠野言欲何所詣比丘尼答言我今欲詣閑靜之
處爾時摩納聞是語已卽說偈言

一切世間中 無有解脫者 汝詣空靜處
將欲何所作 汝今年盛美 不受於五欲
一日衰老至 後莫生憂悔

時比丘尼而作是念此爲是誰欲惱亂我甚爲欺詐

爲是人耶是非人乎作是念已入定觀察知是波旬
欲來惱亂卽說偈言

世間有解脫 我今自證知 波旬汝愚鄙
不解如斯跡 欲如標利戟 陰賊拔刀逐
汝言受五欲 欲苦可怖畏 欲能生憂愁
欲能生追念 欲能生百苦 欲是衆苦本
斷除一切受 滅諸無明闇 遂證於盡滅
住於無漏法

爾時波旬而作是念曠野比丘尼善知我心懊惱悔
恨慙愧還宮

如是我聞一時佛在舍衛國祇樹給孤獨園爾時蘇
摩比丘尼著衣持鉢入舍衛城乞食食訖洗鉢收攝
坐具向得眼林魔王波旬作是念今蘇摩比丘尼著
衣持鉢入城乞食食訖洗鉢收攝坐具向得眼林爾
時波旬化作婆羅門在路側立而作是言阿黎耶欲
何所至比丘尼答言我今欲請彼寂靜處爾時波旬
卽說偈言

僊聖之所得 斯處難階及 非汝鄙穢智

獲得如是處

時比丘尼作如是念此爲是人是非人乎而欲惱我

入定觀察知是波旬卽說偈言

女相無所作 唯意修禪定 觀見于上法

若有男女相 可說於女人 於法無所能

若無男女相 云何生分別 斷除一切愛

滅諸無明闇 逮證于盡滅 住於無漏法

以是故當知 波旬墮負處

爾時波旬而作是念蘇摩比丘尼善知我心憂愁悔
恨慚愧還宮

如是我聞一時佛在舍衛國祇樹給孤獨園爾時翅
舍憍曇彌比丘尼著衣持鉢入城乞食食訖洗鉢收

攝坐具至得眼林坐一樹下住於天住爾時魔王波旬作是心念沙門瞿曇在於舍衛國祇樹給孤獨園有比丘尼名翅舍憍曇彌著衣持鉢入城乞食食訖洗鉢收攝坐具至得眼林坐一樹下住於天住作是念已化爲摩納欲爲擾亂卽說偈言

汝今者何爲

懷憂坐樹下

歔歔而流淚

將不喪子乎

獨處於林中

欲求男子耶

時比丘尼而作是念此爲是誰甚爲欺詐爲是人耶是非人乎而欲爲我作大擾亂入定觀察知是魔王卽說偈言

我斷恩愛已

無欲無子想

端坐林樹間

無愁無熱惱

斷除一切愛

滅諸無明闇

逮得於滅盡

安住無漏法

以是故當知

波旬墮負處

爾時波旬而作是念翅舍憍曇彌比丘尼善知我心憂愁悔恨慙愧還宮

如是我聞一時佛在舍衛國祇樹給孤獨園爾時蓮華色比丘尼於其晨朝著衣持鉢入城乞食食訖洗鉢收攝坐具并洗足已入得眼林坐一樹下端坐思惟住於天住爾時魔王而作是念沙門瞿曇在於舍衛

國祇樹給孤獨園蓮華色比丘尼著衣持鉢入城乞
食食訖洗鉢收攝坐具入得眼林中坐一樹下住於
天住我當爲其而作擾亂作是念已化爲摩納往至
其所而說偈言

娑羅樹下坐 如華善開敷 獨一比丘尼

汝今坐禪那 更無第二伴 能不畏愚癡

時蓮華色比丘尼卽作是念此爲是誰擾亂於我甚
爲欺詐爲是人耶是非人乎入定觀察知是波旬卽
說偈言

百千奸僞賊 皆悉令如汝 不動我一毛

故獨無所畏

爾時魔王復說偈言

我今自隱形 入汝腹中央 或入汝眉間

令汝不得見

時比丘尼復以偈答

我心得自在 善修如意定 斷絕大繫縛

終不怖畏汝 我已吐諸結 得拔三垢根

怖畏根本盡 故我無所畏 我今住於此

都無畏汝心 汝軍衆盡來 我亦不怖畏

斷除一切愛 滅諸無明闇 速得於滅盡

安住無漏法 以是故當知 波旬墮負處
爾時波旬而作是念蓮華色比丘尼善解我心憂愁
悔恨慚愧還宮

如是我聞一時佛在舍衛國祇樹給孤獨園爾時石
室比丘尼於其晨朝著衣持鉢入城乞食食訖洗鉢
收攝坐具向得眼林爾時魔王而作是念沙門瞿曇
在舍衛國祇樹給孤獨園中有石室比丘尼著衣持
鉢入城乞食食訖洗鉢收攝坐具向得眼林我當爲
其而作擾亂作是念已化爲摩納徃至其所而說偈
言

衆生是誰造 衆生造作誰 云何名衆生
衆生何所趣

時石室比丘尼聞是偈已而作是念此爲是誰甚爲
欺詐爲是人耶是非人乎入定觀察知是魔王以偈
答言

衆魔生邪見 謂有衆生想 假空以聚會
都無有衆生 譬如因衆緣 和合有車用
陰界入亦爾 因緣和合有 業緣故聚集
業緣故散滅 斷除一切愛 滅諸無明闇
逮得於盡滅 安住於無漏 以是故當知

波旬墮負處

爾時魔王而作是念此比丘尼善知我心憂愁悔恨
慚愧還宮

如是我聞一時佛在舍衛國祇樹給孤獨園時有比丘
尼名曰鼻喫在舍衛國王園精舍於其晨朝著衣
持鉢入城乞食食訖洗鉢收攝坐具向得眼林於時
魔王而作是念沙門瞿曇在舍衛國祇樹給孤獨園
有鼻喫比丘尼著衣持鉢入城乞食食訖洗鉢收攝
坐具向得眼林我當爲其而作擾亂作是念已化爲
摩納卽於路側而說偈言

誰造於色像 色像造作誰 色像從何出

色像何所趣

特比丘尼聞斯偈已而作是念此爲是誰惱亂於我
甚爲欺誑爲是人耶是非人乎入定觀察知是魔王
說偈報言

色像非自作 亦非他所造 衆緣起而有

緣離則散滅 譬如植種子 因地而生長

陰界諸入等 和合是色像 因苦故生長

因苦故散壞 斷除一切愛 滅諸無明闇

逮得於盡滅 安住無漏法 以是故當知

波旬墮負處

爾時波旬而作是念此比丘尼善知我心憂愁悔恨
慙愧還宮

如是我聞一時佛在舍衛國祇樹給孤獨園爾時毗
闍耶比丘尼從王園精舍著衣持鉢入城乞食食訖
洗鉢收攝坐具至得眼林坐一樹下住於天住爾時
魔王而作是念沙門瞿曇在舍衛國祇樹給孤獨園
王園精舍毗闍耶比丘尼著衣持鉢入城乞食食訖
洗鉢收攝坐具至得眼林坐一樹下住於天住我當
爲其而作擾亂作是念已化爲摩納往詣其所而說

偈言

汝今極盛壯 我年亦復少 五欲共歡娛
故意而受樂 何以獨坐此 而不與我俱
時比丘尼聞是偈已而作是念此爲是誰來惱於我
甚爲欺詐爲是人耶是非人乎入定觀察知是魔王
說偈報言

作樂縱歌舞 及餘五欲樂 盡迴用與汝
非我之所宜 人間一切樂 并及天五欲
盡迴用與汝 都非我所宜 我斷一切愛
滅諸無明闇 逮得於盡滅 安住無漏法

以是故當知 波旬墮負處

爾時波旬而作是念此比丘尼善知我心憂愁悔恨
慚愧還宮

如是我聞一時佛在舍衛國祇樹給孤獨園爾時有
一比丘尼名曰折羅於其晨朝著衣持鉢入城乞食
食訖洗鉢收攝坐具入得眼林在一樹下正身端坐
入於天住爾時魔王作是念言沙門瞿曇在舍衛國
祇樹給孤獨園中有一比丘尼名曰折羅於其晨朝
著衣持鉢入城乞食食訖洗鉢收攝坐具入得眼林
中在一樹下坐入於天住我今當往而作擾亂爾

魔王作是念已化摩納形往至其所而語之言阿利
耶欲生何處比丘尼言如我今者都無生處爾時摩
納卽說偈言

有生必得樂 生便受五欲 汝受誰教勅
言不用復生

折羅比丘尼說偈報言

生者必有死 衆苦所纏縛 一切苦應斷
是以不求生 具眼牟尼尊 說斯真諦法
苦因生於苦 皆應捨離之 修聖入正道
安隱趣涅槃 世尊教導我 我樂是教法

我證知彼法 是故不樂生 斷除一切愛

滅諸無明闇 逮得於滅盡 安住無漏法

以是故當知 波旬墮負處

爾時波旬而作是念此比丘尼善知我心憂愁悔恨
慙愧還宮

如是我聞一時佛在舍衛國祇樹給孤獨園爾時憂
波折羅比丘尼住王園精舍於其晨朝著衣持鉢入
舍衛城乞食乞食已洗鉢洗足攝持坐具詣得眼林
在一樹下正身端坐入於天住爾時魔王作是念言
今瞿曇沙門在舍衛國祇樹給孤獨園王園精舍有

比丘尼名曰優波折羅於其晨朝著衣持鉢入舍衛
城乞食食訖洗足收攝坐具詣得眼林在一樹下正
身端坐入於天住我今當往而作壞亂作是念已化
作摩納卽往其所問比丘尼言阿利耶欲何處受身
比丘尼答曰我都無受身處爾時摩納卽說偈言

忉利及餓摩 兜率與化樂 他化自在天

是處極快樂 汝應願樂彼 受於勝妙事

優波折羅比丘尼復說偈言

忉利及餓摩 兜率與化樂 他化自在天

諸處雖受樂 不離於我見 必爲魔所縛

世間皆動搖 彼亦歸遷謝 無有諸凡夫
離縛之境界 世間皆熾然 世間皆煙出
離於動搖者 我樂如此處 斷除一切愛
滅諸無明闇 逮得於滅盡 安住無漏法
以是故當知 波旬墮負處

爾時魔王而作此念此比丘尼善知我心憂愁悔恨
慙愧還宮

如是我聞一時佛在舍衛國祇樹給孤獨園爾時王
園精舍有一比丘尼名曰動頭於其晨朝著衣持鉢
入城乞食乞食已洗鉢洗足攝持坐具詣得眼林在
一樹下正身端坐入於天住爾時魔王作是念言瞿
曇沙門在舍衛城祇樹給孤獨園有一比丘尼名曰
動頭於其晨朝著衣持鉢入舍衛城乞食乞食訖洗
鉢洗足收攝坐具入得眼林中在一樹下正身端坐
入於天住我今欲往而壞亂之作是念已化作摩納
徃詣其所語比丘尼言九十六種道汝樂何道比丘
尼答言此道我都不樂爾時波旬卽說偈言

受誰教剃髮 自號比丘尼 不欲樂外道

汝爲甚愚癡

動頭比丘尼復說偈言

此外諸異道 悉爲邪見縛 種種諸見縛
 終竟墮魔網 釋種大世尊 無比之丈夫
 一切種中勝 降魔坐道場 悉過一切上
 諸事皆解脫 能調盡有邊 彼佛教於我
 是我之世尊 我樂彼教法 我今知彼已
 盡除諸結漏 斷除一切愛 滅諸無明闇
 逮得於滅盡 安住無漏法 以是故當知
 波旬墮負處
 爾時波旬而作是念此比丘尼善知我心憂愁悔恨
 慙愧還宮

曠野素彌

搜瞿曇彌

蓮華石室

及與毗羅

毗闍折羅

優波折羅

第十名動頭

無趣僊人

汝今喪子

華敷於上

衆生誰造

汝上壯年

欲生何處

何處受身

別譯雜阿含經卷第六

校讎

第十三紙

十四行意

南藏

作竟

音釋

端嚴甚殊特 名聞悉克滿 月出白蓮榮

日現紅蓮敷 從佛受化者 譬如華敷榮

開彼宿善根 悉令見道跡

時婆耆奢說此偈已歡喜踊躍還于所止

如是我聞一時佛在舍衛國祇樹給孤獨園爾時世尊與無央數大衆圍繞而爲說法爾時尊者憍陳如適從餘處來詣佛所頂禮佛足在一面坐時尊者婆耆奢亦在會中作是念言我今欲在佛前以偈讚憍陳如作是念已從座而起白佛言世尊唯願聽我少有所讚佛告婆耆奢隨汝所說尊者婆耆奢卽說偈

言

上座比丘憍陳如 安處實語住利樂

常樂空閑寂靜處 聲聞所求佛教法

悉皆逮得不放逸 有大威德具三明

知心差別諸善根 如來長子憍陳如

歸命稽首禮世尊

時婆耆奢說此偈已歡喜踊躍還于所止

如是我聞一時佛在舍衛國祇樹給孤獨園爾時尊者舍利弗在講堂中爲衆說法言音滿足能使聽者心意喜樂言詞正直聞者開解心無所爲所說辯了

諸比丘衆至心聽受聽者悅豫尊重恭敬至心意念
 等同歡喜聽受其法爾時尊者婆耆奢在於會中心
 作是念我欲以偈讚舍利弗作是念已卽整衣服從
 座而起合掌白舍利弗言唯願尊者聽我所說爾時
 尊者告婆耆奢言若有所說恣聽汝意卽說偈言

善哉舍利弗 明知道非道 爲諸比丘儻

略廣而宣說 此優婆塞駛 出於微妙音

聞者皆悅豫 出聲和雅妙 可樂甚可愛

大衆聽無厭

時婆耆奢說此偈已歡喜踊躍還于所止

如是我聞一時佛在王舍城住龍山側與大比丘衆
 五百人俱皆是阿羅漢諸漏已盡所作已辦捨於重
 擔盡諸有結心得解脫爾時尊者目連觀察時座五
 百比丘皆離愛欲爾時世尊在衆僧前敷座而坐當
 於爾時月半說戒時尊者婆耆奢亦在衆中而作是
 念我今在於佛僧之前欲有讚說卽從座起整其衣
 服合掌向佛而作是言唯願世尊聽我所說佛言婆
 耆奢隨汝所說爾時尊者婆耆奢卽說偈言

無上之商主 在於龍山側 智慧能撫慰

五百比丘儻 目連神足者 觀察五百心

知此諸比丘 咸斷欲結使 一切皆具足

牟尼大聖尊 能度於苦岸 世間最後身

我今歸命禮 瞿曇之本師

如是我聞一時佛在王舍城迦蘭陀竹林夏坐安居爾時世尊與大比丘衆五百人俱皆是阿羅漢諸漏已盡所作已辦捨於重擔盡諸有結正智心得解脫唯除一人如來記彼現身盡漏於七月十五日自恣時到佛於僧前敷座而坐爾時世尊告諸比丘汝等當知我是婆羅門於般涅槃受最後身無上良醫拔於毒箭汝等皆是我子悉從於我心口而生是我法

子從法化生我今欲說自恣我身口意無過失不爾時尊者舍利弗在衆中坐從座而起整其衣服合掌向佛白言世尊如佛所說我是婆羅門於般涅槃受最後身無上良醫拔於毒箭汝等皆是我子悉從於我心口而生是我法子從法化生我等不見如來身口有少過失何以故世尊能使不調者調不寂滅者使得寂滅苦惱之者能使得安隱未入涅槃者使得涅槃如來是知道者是知道者是說道者是導道者將來弟子相續不絕世尊教法次第修道恒相教習隨順正法常應擁護親愛善法我等不見世尊若身

口意有少過失舍利弗言世尊自恣說我若身口意有所闕短垂哀教勅佛告舍利弗我不見汝有少過失何以故汝舍利弗堅持淨戒多聞少欲知足遠離憤鬧樂於閑靜有精進具足定心智慧疾智捷智展轉智有大智種別智唯除如來諸餘智慧無能及汝深遠之智成就實智示教利喜心無嫉妬見他有能示教利喜隨喜讚歎若爲四衆比丘比丘尼優婆塞優婆夷說諸法無有疲厭是故汝今若身口意無有少過舍利弗白佛言世尊頗見是五百比丘於身口意有少過不佛告舍利弗我不見五百比丘於身口

意有少過失何以故是五百比丘皆是阿羅漢諸漏已盡所作已辦捨於重擔逮得已利盡諸有結正智心得解脫以是義故我不見是五百比丘若身口意有少過失舍利弗復白佛言世尊終不譏彼小闕亦不見五百比丘若身口意有少過失世尊此五百比丘幾具三明幾得俱解脫幾得慧解脫佛言此比丘衆中九十比丘具於三明有百八十得俱解脫其餘之者盡慧解脫舍利弗言此五百人離諸塵垢無有腐敗悉皆真實爾時婆耆奢在彼衆中而作是念佛今自恣我今欲說讚自恣偈婆耆奢合掌向佛白佛

言世尊唯願聽我所說佛言婆耆奢隨汝所說婆耆奢即說偈言

此十五日清淨朝 五百比丘共同處

皆悉斷於結使縛 盡於後有之大僊

誠心親近淨世尊 悉得解脫離後有

斷於生死所作辦 諸漏已盡滅掉悔

除貪癆慢斷有結 拔愛毒箭滅愛有

人中師子離諸取 盡諸有結滅怖畏

如似轉輪大聖王 羣臣翼從而圍遶

遊行大地至巨海 譬如鬪戰得大勝

無上商主弟子衆 悉具三明滅於死

斯等皆是佛眞子 離諸垢穢純清淨

如日親友今敬禮

如是我聞一時佛在舍衛國祇樹給孤獨園爾時尊者婆耆奢在空靜處將欲檢心繫念思惟卒起異想生不喜樂即自覺知我於今者便失善利夫出家者名爲難得若有是心不名難得我今便爲退失善心得于惡心今當說心多諸過惡說厭患偈時彼尊者即說偈言

棄捨樂諸著 及不樂著者 捨衣貪嗜覺

不造煩惱枝 欲枝下垂布 衆生樂緣者
能斷於欲枝 是名爲比丘 不垂下著欲
無林名比丘 第六意出覺 然此欲覺者
世間所樂著 若得出覺意 能離非結著
不樂於勝欲 樂出麤惡言 不名爲比丘
樂嗜於受身 因見聞意識 想著生五根
能離欲想著 不受塗汙辱 是名得解脫
大地及虛空 世間有色處 悉皆歸散壞
一切同盡滅 知見是事已 行法已決定
諸處不生受 質直不諂僞 雖求念存身

爲有所利益 若能如是者 同彼入涅槃

如是我聞一時佛在舍衛國祇樹給孤獨園爾時尊者婆耆奢與阿難俱著衣持鉢入城乞食見一女人在盛壯容貌端正便起欲想爾時婆耆奢尋自知覺極自呵責我今名爲不得出家之利我之壽命極爲難得若生是心名爲不善寧捨壽命不作欲想我於今者不名出家何以故見於盛壯端正女人即起愛心若生此心非我所宜即向阿難而說偈言

爲欲結所勝 隼然於我心 唯願爲我說
除欲善方便

爾時阿難卽說偈言

起於顛倒想 能隸然其心 淨想能生欲
應修不淨觀 獨處而坐禪 速滅於貪欲
莫數受隸然 常觀察諸行 無常無有樂
并及無我法 安心念此身 多厭惡生死
修習正智慧 除七慢結使 若知斷慢已
苦則有邊際

如是我聞一時佛在舍衛國祇樹給孤獨園時有長者請佛及僧施設大會爾時世尊與諸大衆圍遶至彼大長者家時彼尊者婆耆耆於僧直次守于僧坊

當於爾時有多女人詣彼僧坊時女人中有一端正美色之者時婆耆耆覩斯事已爲色壞心生於欲想復自思念我今妄想失於大利斯於非利人身難得命終亦然若生是心名爲不善寧捨壽命不作欲想我於今者不名出家何以故見於少壯端正女人不自制心便生欲想我今當說厭惡之患卽說偈言

我今捨俗累 住於出家法 無明欲所逐
將失本善心 如牛食他苗 甘味無制者
五欲亦如是 貪嗜無慚恥 若不禁制者
必害善法苗 譬如利利子 具習諸技藝

設有善射術 具滿一千人 如是剎利子
戰鬪力勝彼 比丘念具足 如彼剎利子
常持智慧力 斷滅於欲覺 既除欲覺已
快樂常寂滅 我親佛前聞 二種之親友
趣向涅槃道 是我心所樂 我修不放逸
處林住空寂 我熟讚於心 是名立正法
後必趣於死 若得涅槃時 當知是惡心
云何能見我

如是我聞一時佛在舍衛國祇樹給孤獨園爾時尊者婆耆奢於有德者謙順柔軟諸比丘所心生憍慢

尋自覺知呵責於已我極失利都無饒益人身難得
出家難遇我既得之不能謹慎輕於出家輕於壽命
以已智能輕蔑於彼謙順柔軟有德比丘我今當說
厭惡慢心卽說偈言

汝悉捨諸慢 不應自貢高 莫以慢自退
後悔無所及 一切諸衆生 皆爲慢所害
爲害墮地獄 是故我今者 不應恃才辯
而生憍慢心 若遠憍慢者 能捨諸障蓋
淨心懷恭敬 獲得於三明 謙卑如是者
名得念比丘 憍陳如舍利 龍脅及自恣

不樂及欲結 出離及憍慢

如是我聞一時佛在舍衛國祇樹給孤獨園爾時尊者婆耆奢獨處閑靜善能修已勤行精進終不放逸住如是地逮得三明時尊者婆耆奢作是念我今獨處閑靜逮得三明我欲讚已所得三明即說偈言

我昔如荒醉 經歷諸城邑 遊行得值佛

即蒙大福利 瞿曇大慈悲 為我說正法

我聞正法已 即得清淨信 雖離出家者

世間大導師 導化無不普 男女及長幼

中年及老病 佛是日親友 能不善方所

衆生無明盲 將導示其門 云何名為門

所謂四真諦 從因則生苦 從苦得出家

見於八正道 拔出諸衆生 安隱處涅槃

我修不放逸 林野空寂處 獲得於三明

作佛教已訖

如是我聞一時佛在舍衛國祇樹給孤獨園爾時佛告諸比丘我今欲演說四句偈法汝等至心諦聽諦聽我今當說云何名為四句義法

善說最為上 僊聖之所說 愛語非麤語

是名為第二 實語非妄語 是名為第三

說法不非法 是名爲第四 是名演四句
四句之偈義

爾時婆耆奢在衆會中而作是念佛今演於四句之法我今欲於一句以一偈讚爾時婆耆奢卽從座起合掌向佛白佛言世尊我今婆耆奢欲有所說唯願聽許佛告之言恣聽汝說爾時婆耆奢卽說偈言

諸有所說不惱已 亦不害他名善說

常當愛語令他喜 亦不造作諸過惡

從諸佛口有所說 必得安隱趣涅槃

能斷諸苦讚善說 實語甘露最無上

實語應語得大利 安立實說善丈夫

如是我聞一時佛在舍衛國祇樹給孤獨園爾時佛告諸比丘世有良醫能治四病應爲王師何謂爲四一善能知病二能知病所從起三者病生已善知治愈四者已差之患令更不生能如是者名世良醫佛亦成就四種之法如來至真等正覺無上良醫亦拔衆生四種毒箭云何爲四所謂是苦是苦集是苦滅是苦滅道佛告比丘生老病死憂悲苦惱如此毒箭非是世間醫所能知生苦因緣及能斷生苦亦不知老病死憂悲苦惱因緣及能斷除唯有如來至真等

正覺無上良醫知生苦因緣及以斷苦乃至知老病死憂悲苦惱知其因緣及以斷除是以如來善能拔出四種毒箭故得稱爲無上良醫爾時尊者婆耆奢在彼會坐作是念言我今當讚如來所說拔四毒箭喻法卽從座起合掌向佛而說偈言

我今歸命佛 愍於羣生類 最上第一尊
能拔出毒箭 世有四種醫 能治四種病
所謂療身疾 嬰兒眼毒箭 如來治眼疾
過於彼世醫 能以智慧錒 抉無明眼膜
如來治身患 過於彼世醫 世醫所療者

唯能治四大 如來善分別 六界十八界
以此法能治 三毒身重病 如來善分別
六界十八界 以此法能治 三毒身重病
能治嬰愚病 最勝無上尊 故我今敬禮
瞿曇之大師 醫王名迦留 多施人湯藥
復有一明醫 名爲婆吁盧 瞻毗及耆婆
如是醫王等 皆能療衆病 是等四種師
治者必得差 雖差病還發 亦復不免死
如來無上醫 所可療治者 拔毒盡苦際
畢竟離生死 終更不受苦 無量億那由

阿僧祇衆生 佛治令盡苦 畢竟不還發

我今白大衆 諸賢在會者 甘露不死藥

咸當至心服 諸人應受信 最上治目者

療身拔毒箭 諸醫無與等 是故宜至心

歸命瞿曇等

如是我聞一時佛在王舍城迦蘭陀竹林爾時尼瞿陀劫波比丘住彼第一曠野林中而此野林中復有一林時此比丘於彼遇病尊者婆耆奢供給彼病尼瞿陀劫波比丘因此病故卽入涅槃爾時尊者婆耆奢耶旬供養和尚尼瞿陀劫波已漸次遊行至王舍

城迦蘭陀竹林時婆耆奢於其晨朝著衣持鉢入王舍城乞食乞食已洗鉢收攝坐具往詣佛所整其衣服合掌向佛說偈問曰

我今欲問佛 無量之解慧 現在斷疑惑

於曠野林中 比丘入涅槃 生來有福德

守攝身口意 兼有大名聞 尼瞿陀劫賓

佛爲作是名 佛爲婆羅門 立如是名字

如是我聞一時佛在舍衛國祇樹給孤獨園爾時諸大聲聞耆舊之等於佛左右各造庵窟於其中住時僑陳如頗發耆賢跋溝摩訶南耶舍那毗摩羅牛呵

尊者舍利弗摩訶目連摩訶迦葉摩訶俱絺羅摩訶
劫賓那尊者阿那律尊者難陀迦尊者鉗比羅耶舍
賒羅俱毗呵富那拘毗羅拘婆尼泥迦他毗羅如是
等輩及諸餘大聲聞各於草庵諸窟中住於月十五
日布薩爾時如來於衆僧前敷座而坐尊者婆耆奢
亦在會中卽從座起叉手合掌白佛言聽我所說佛
言我今恣汝所說爾時婆耆奢卽說偈言

諸大比丘等 必乾竭欲愛 棄捨諸積聚
勇悍無怖畏 知時如節量 不貪嗜五欲
離一切垢穢 深心有點慧 有如斯事故

名爲大比丘

如是我聞一時佛在舍衛國祇樹給孤獨園爾時尊
者婆耆奢來至毗舍佉鹿子母講堂中遇病困篤爾
時富匿於彼瞻病時尊者婆耆奢告富匿言汝可往
詣於世尊所如我婆耆奢頂禮世尊足下問訊世尊
少病少惱起居輕利無諸苦不爾時富匿受尊者教
往詣佛所頂禮佛足在一面坐合掌白佛言世尊婆
耆奢比丘在毗舍佉講堂中病疹困篤而語我言往
世尊所稱我名字頂禮佛足問訊世尊少病少惱起
居輕利無諸苦不爾時富匿復白佛言此婆耆奢或

因因疾卽入涅槃唯願世尊屈意徃彼如來默然受
富匿語爾時富匿卽還詣尊者婆耆奢所白言如上
我問訊已復啓世尊婆耆奢或因因病入于涅槃世
尊默然聽受我語爾時世尊從禪定起卽徃毗舍佉
講堂婆耆奢所時婆耆奢遙見佛來自力欲起佛告
之曰不須汝起爾時世尊別敷座坐告婆耆奢汝今
身體苦痛爲可忍不能飲食不時婆耆奢白言此痛
轉增無有瘳損今我所患譬如力士捉儻人髮總撼
揉捺我患頭痛亦復如是又如大力殺牛之人以刀
刺腹割其腸肚我患腹痛亦復如是又如瘦人爲有

力者強捉火炙身體焦然我苦體痛亦復如是我於
今日欲入涅槃我於最後欲讚於佛佛告之曰隨汝
所說卽說偈言本云少偈

本如酒醉 四句讚 龍脅拔毒箭

尼瞿陀劫賓入涅槃 讚大聲聞

婆耆奢滅盡

別譯雜阿含經卷第七

校謄 第九紙十一行慢誤作陳從南改正

音釋 僑陳如梵譯也此云火器尊者姓也其先事火因而命族 鉶博爲切

邊迷切 抉於決切 膜慕各切肉間膜也 牛呵呵書之切牛同尊者之各

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

卷之四

三

力

卽梵云憍疹丑乃切瘳丑鳩切搥莫結切粹楚波提也瘳熱病也疾瘳也搥也搥手拔也搥捺奴曷切手按也

丹陽居士賀懋熙懋照懋熒懋壽懋焯仰承

先嚴賀學禮遺願施貲刻此計字五千乙百八十

六箇該銀二兩七錢

江陰釋在琳對長洲徐普書上元許應明刻

萬曆戊午歲夏五月徑山化城寺識

別譯雜阿舍經卷第八

失譯人名附秦錄

如是我聞一時佛在舍衛國祇樹給孤獨園時有一
天光色倍常於其夜中來請佛所禮佛足已在一面
坐時此天光甚爲熾盛普照祇洹悉皆大明爾時此
天卻坐一面而說偈言

住阿練若處 寂滅修梵行 日常食一食
顏色極和悅

爾時世尊復說偈言

不愁念過去 亦不求未來 現在正智食

經

可善推訂全卷

一

高十

裁欲爲存身 欲於未來世 追念過去事

六情皆怡悅 是以顏色和 如新生茅葦

剪之置日中 凡夫自隼乾 其事亦如是

天復說偈讚言

往昔已曾見 婆羅門涅槃 久捨於嫌畏
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一

天光色倍常於其夜中來詣佛所禮佛足已在一面

坐時此天光甚爲熾盛普照祇洹悉皆大明爾時此

天卻坐一面而說偈言

諸有憍慢人 終不可調習 詐現修禪定

放逸在空林 由是放逸故 不能度死岸

爾時世尊復說偈言

捨慢常入定 別想盡知法 一切處解脫

不放逸空林 由不放逸故 能度彼死岸

天讚偈言

往昔已曾見 婆羅門涅槃 怖畏久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所禮佛足已在一面
坐時此天光甚爲熾盛普照祇洹悉皆大明爾時此
天卻坐一面而說偈言

云何於晝夜 福業常增長 如法而持戒
何人趣天道

爾時世尊復說偈言

種植園苑林 洪流置橋船 曠野造好井
要路造客舍 是人於日夜 福業常增長
正法淨持戒 如是趣天道

天讚偈言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍當於其夜中來詣佛所時此天光甚爲熾
盛遍照祇洹悉皆大明爾時此天卻坐一面而說偈
言

云何得大力 并獲於妙色 施何得安樂
何緣得淨眼 云何一切施 願爲我說之

爾時世尊以偈答曰

施飲食得力 施衣得盛色 施乘得安樂

燈明得淨目 屋宅一切施 如法教弟子

能作如是施 是名施甘露

天讚偈言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一

天光色倍常於其夜中來詣佛所威光熾盛遍照祇

洹悉皆大明爾時此天禮佛足已卻坐一面而說偈
言

世間及天人 飲食生歡喜 世間都無有

飲食不生喜

爾時世尊復說偈言

若有能信施 使心極清淨 今世若後世

飲食福隨逐

爾時此天聞佛所說白佛言世尊實爲希有善說斯
偈復白佛言世尊我憶過去有一人王名曰遲緩然
彼國王於四城門施於飲食城中及市亦施飲食時

王夫人白於王言王今作福願聽我等助王爲福王
聞其言以城東門所施之食迴與夫人王之太子亦
白父言父母修福我亦樂修王聞其言以城南門所
施之食迴與太子輔相後來啓白王言王今修善夫
人太子皆修福業唯願聽我助修福業王聞其言以
城西門所施之食迴與輔相時有諸臣復白王言夫
人太子及以輔相咸修福德我等今者亦樂助修王
聞其言卽以北門所施之食迴與諸臣時國中入復
白王言夫人太子輔相咸修福德願聽我等助修福
業王聞其言復以布施迴與人民時典施人白於王

言王之所有於四城門及以布施悉皆迴與夫人太
子輔國大臣國中人民斷於王施兼竭庫藏王卽答
言先所與者已爾與盡自今已後他方小國所可貢
獻半入庫藏半用修福世尊我念爾時長夜修福我
於長夜獲得勝報常懷喜樂所受福報無有窮盡不
見邊際如我所受得大果報乃知世尊善說斯偈時
遲緩天子聞佛所說歡喜踊躍頂禮佛足還于天宮
如是我聞一時佛在舍衛國祇樹給孤獨園時有一
天光色倍常於其夜中來詣佛所甚爲熾盛遍照祇
洹卻在一面而說偈言

如遠至他國 誰爲可親者 於其居家中
復以誰爲親 於其資財中 復以誰爲友
若至後世時 復以誰爲親

爾時世尊說偈答曰

若遠至他國 行伴名爲親 於自居家中
慈母最爲親 於生財利所 眷屬乃爲友
能修功德者 是名後世親

天讚偈言

往昔已曾見 婆羅門涅槃 嫌怖久棄捨
能度世間愛

爾時此天聞佛所說歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光顯赫普照祇
洹悉皆大明却坐一面而說偈言

人生壽不定 日日趣死徑 無常所侵奪
壽命甚短促 老來侵壯色 無有救護者
恐怖畏向死 作福得趣樂

爾時世尊以偈答言

人生壽不定 日日趣死徑 無常所侵奪
壽命甚短促 老來侵壯色 無有救護者

恐怖畏向死 欲得寂滅樂 應捨世五欲
不宜深生著

天讚偈言

往昔已曾見 婆羅門涅槃 嫌怖久捨棄
能度世間愛

時此天子聞佛所說歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光顯赫遍照祇
洹悉皆大明卻坐一面而說偈言

四時不暫停 命亦日夜盡 壯年不久住

恐怖死來至 爲於涅槃故 應當勤修福

爾時世尊以偈答言

四時不暫停 命亦日夜盡 壯年不久住

恐怖死來至 見於死生苦 而生大怖畏

捨世五欲樂 當求於寂滅

天讚偈言

往昔已曾見 婆羅門涅槃 嫌怖久捨棄
能度世間愛

爾時此天聞佛所說歡喜而去

如是我聞一時佛在舍衛國祇樹給孤獨園爾時夜

中有一天子光色倍常來詣佛所威光顯赫遍于祇
洹悉皆大明卻在一面而說偈言

當思於何法 應棄捨何法 修行何勝事

成就何等事 能度駛流水 得名爲比丘

爾時世尊以偈答言

能斷於五蓋 棄捨於五欲 增上修五根

成就五分法 能度駛流水 得名爲比丘

天讚偈言

往昔已曾見 婆羅門涅槃 嫌怖久棄捨

能度世間愛

爾時此天聞佛所說歡喜而去

如是我聞一時佛在舍衛國祇樹給孤獨園時有一

天光色倍常於其夜中來詣佛所威光顯照遍于祇

洹赫然大明卻坐一面而說偈言

誰於睡名寤 誰於寤名睡 云何染塵垢

云何得清淨

佛以偈答言

若持五戒者 雖睡名爲寤 若造五惡者

雖寤名爲睡 若爲五蓋覆 名爲染塵垢

無學五分身 清淨離塵垢

天復說偈讚言

往昔已曾見 婆羅門涅槃 嫌怖久棄捨

能度世間愛

爾時此天聞佛所說歡喜而去

阿練若憍慢 修福日夜增 云何得大力

何物生歡喜 遠去強親逼 日夜有損減

思惟及睡寤

如是我聞一時佛在舍衛國祇樹給孤獨園爾時有
一天光色倍常於其夜中來詣佛所威光顯赫照于
祇洹赫然大明卻坐一面而說偈言

若人有子孫 則便生歡喜 財寶及六畜
有則皆歡喜 若人受身時 亦復生歡喜
若無有身者 則無歡悅心
爾時世尊以偈答言

若人有子孫 則能生憂惱 財寶及六畜

斯是苦惱本 若復受身者 則爲憂惱患

若不受身者 則名寂滅樂

天復說偈讚言

往昔已曾見 婆羅門涅槃 嫌怖久棄捨

能度世間愛

婆羅門涅槃

嫌怖久棄捨

爾時此天聞佛所說歡喜而去

如是我聞一時佛在舍衛國祇樹給孤獨園時有一
天光色倍常於其夜中來至佛所威光顯照遍于祇
洹悉皆大明卻坐一面而說偈言

云何義勝利 誰爲最親友 衆生依何等
而得自濟活 修造何事務 而能得聚斂

爾時世尊以偈答言

種田爲義利 妻爲最親友 衆生依熟苗
而得自濟活 若能勤作者 斯業勝聚斂

爾時天復說偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其中夜來詣佛所威光顯照遍于祇
洹悉皆大明卻坐一面而說偈言

愛中子第一 財中牛第一 明中日第一
淵中海第一

爾時世尊以偈答言

所愛無過身 能教第一財 慧爲第一明

兩爲第一淵

爾時天復說偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光顯照遍于祇
洹赫然大明卻坐一面而說偈言

於其二足中 剎利最爲勝 於彼四足中

牛最爲勝者 若於娶妻中 童女爲最勝

於諸兒息中 長子爲最勝

爾時世尊以偈答曰

兩足最勝正覺是 四足中勝善乘是

娶妻中勝貞女是 兒子中勝孝者是

爾時天復說偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其中夜來詣佛所威光顯照遍于祇

涇赫然大明卻坐一面而說偈言

何物生爲勝 何物入地勝 種子何者勝

擲種誰爲勝

時有天子先身從種田中得因以爲名焉以偈答曰

苗稼生爲勝 子入地第一 擁護於耕牛

兒擲種爲勝

爾時彼天語此天言我不問汝我欲問佛復以偈問

佛

何物生爲勝 何物入地勝 種子何者勝

擲種誰爲勝

爾時世尊以偈答言

明生最勝苗 無明滅爲勝 親近供養佛

擲種僧最勝

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一

天光色倍常於其夜中來詣佛所威光顯照遍于祇

洹赫然大明卻坐一面而說偈言

云何世間生 云何得和合 幾受世間有
何物苦世間

爾時世尊以偈答言

六愛生世間 六觸能和合 六受能得有
六情生諸苦

爾時天復以偈讚言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一

天光色倍常於其夜中來詣佛所威光顯照遍于祇
洹赫然大明卻坐一面而說偈言

云何劫世間 云何名苦惱 云何是一法
世間得自在

爾時世尊以偈答曰

意劫將諸趣 意苦惱世間 意明爲一法
世間得自在

爾時天復以偈讚言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光顯照遍于祇
洹赫然大明卻坐一面而說偈言

何物縛世間 云何得解脫 斷於何等法
得至於涅槃

爾時世尊以偈答曰

欲縛於世間 捨欲得解脫 能斷於愛縛
是名得涅槃

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

何物覆世間 何物能圍遶 何物縛衆生
云何世間住

爾時世尊以偈答曰

老能覆世間 死能爲圍遶 愛縛於衆生

如法住世間

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

何物迷世間 何物和合有 何物汙衆生
云何豎於幢

爾時世尊以偈答曰

無明迷世間 愛著和合有 瞋汙染衆生

我慢豎爲幢

天復以偈問言

何誰無蓋障 何誰斷於愛 誰出於汙染

誰能倒大幢

爾時世尊以偈答曰

如來無蓋障 正智得解脫 彼無有蓋障
能盡於愛結 出離於塵垢 傾於我慢幢

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

人財何者勝 修行何善行 能得快樂報

味中何最勝 云何諸壽中 壽命得最勝

爾時世尊以偈答曰

於諸財物中 信財第一勝 如法修善行

能獲快樂報 於諸滋味中 實語爲第一

於諸壽命中 慧命爲最勝

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

人於生死中 何者是二伴 誰爲教授者

歸向涅槃道 比丘樂何法 而斷於結縛

爾時世尊以偈答曰

於諸生死中 信爲第二伴 智慧如教授

能樂涅槃者 斷諸結使縛 是則名比丘

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一天光色倍常於其夜中來請佛所威光普照遍于祇

洹赫然大明卻坐一面而說偈言

何善能至老 何善最安住 何寶爲第一

何物賊不劫

爾時世尊以偈答曰

持戒善至老 信最爲安住 智慧人寶勝

福財賊不劫

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

衆生誰所生 云何常馳求 云何於生死
流轉不解脫

爾時世尊以偈答曰

愛生於衆生 意馳於諸塵 一切有命類
輪轉於生死 恒受於諸苦 云何得解脫

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

衆生誰所生 云何常馳求 於生死輪轉
何者爲怖畏

爾時世尊以偈答曰

衆生從愛生 心意馳不停 衆生處生死
苦爲大怖畏

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

衆生誰所生 云何常馳求 生死常輪轉

何者大怖畏

爾時世尊以偈答曰

愛能生衆生 意識馳諸塵 衆生處生死

業爲大怖畏

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明卻坐一面而說偈言

云何名非道 何物日夜逝 梵行誰爲垢

誰惱害世間 云何名澡浴 而能不用水
唯願佛世尊 爲我分別說

爾時世尊以偈答曰

欲名爲非道 人命日夜逝 女爲梵行垢
亦惱害世間 專修梵行者 潔淨勝彼水

爾時天復以偈讚言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一

天光色倍常於其夜中來詣佛所威光普照遍于祇
洹赫然大明卻坐一面而說偈言

何物爲第一 諸物中最勝 云何在處處
而得於最上 有何一種法 於世間自在

爾時世尊以偈答曰

諸於世物中 四陰名最勝 善於彼處處
皆得爲最上 四陰名一法 於世間自在

爾時天復以偈讚言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一天光色倍常於其夜中來詣佛所威光普照遍于祇洹赫然大明卻坐一面而說偈言

偈爲何者初 云何爲分別 偈何所依止
偈以何爲體

爾時世尊以偈答曰

偈以欲爲初 字爲偈分段 偈依止於名
文章以爲體

爾時天復以偈讚言

往昔已曾見 婆羅維門涅槃 嫌怖久棄捨

能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一天光色倍常於其夜中來詣佛所威光普照遍于祇洹赫然大明卻坐一面而說偈言

以何知王車 云何知於火 云何分別國
云何知女人

爾時世尊以偈答曰

以幢知王車 以煙知有火 以主知有國

以夫別女人

爾時此天以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜而去

信財及第二 持戒善至老

三種生世間 非道最上勝 偈爲何者初

別車爲第十

別譯雜阿含經卷第八

校讎

第十三紙

人行南藏名作

失讀

丹陽居士賀懋熙懋照懋榮懋燾懋焯仰承
先嚴賀厚禮遺願施貲刻此
別譯雜阿含經第八卷 計字五千七百一十
三箇該銀二兩九錢八分
江陰釋在琳對長洲徐普書上元吳文輝刻
萬曆戊午歲夏五月徑山化城寺識

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

卷十三

南齊書

萬壽九年夏五月... 吳文... 諸行斯無常... 是生滅之法

別譯雜阿舍經卷第九

失譯人名附秦錄

如是我聞一時佛在舍衛國祇樹給孤獨園時有一天光色倍常來詣佛所身光顯照遍于祇洹赫然大明却坐一面而說偈言

不生歡喜園 終不能得樂 是三十三天

名稱滿世間 常是彼天人 之所居住處

爾時世尊以偈答曰

汝如小嬰愚 非爾智所及 如斯之妙法

乃是羅漢語 諸行斯無常 是生滅之法

經

別譯雜阿舍經

一

四

其生滅滅已 寂滅乃爲樂

天復以偈讚言

往昔已曾見 婆羅門涅槃 嫌怖久捨離

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大
明却坐一面而說偈言

能捨於家業 斷諸一切法 常教授於他

不名善沙門

爾時世尊以偈答曰

夜叉汝當知 若諸種姓中 有遭苦難者

諸有有智人 不應不愍彼 善逝以大悲

安慰而教導 羅漢法應爾

天復以偈讚言

往昔已曾見 婆羅門涅槃 嫌怖久捨離

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大

明却坐一面而說偈言

若有賢善人 能具修慙愧 譬如彼良馬
不為隴候惡

爾時世尊以偈答曰

一切世間人 少能修慙愧 能遠離諸惡
猶彼調乘馬

天復以偈讚言

往昔已曾見 婆羅門涅槃 嫌怖久捨離
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大
明却坐一面而說偈言

不善知已法 好欲習他教 是名睡不寤
有時必得寤

爾時世尊以偈答曰

既善知已法 不喜習他教 漏盡阿羅漢
棄惡就正法

天復以偈讚言

往昔已曾見 婆羅門涅槃 嫌怖久捨離

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大
明却坐一面而說偈言

不善調於法 依止於異見 是名睡不寤

有時或得寤

爾時世尊以偈答曰

於法善調順 不依止邪見 度愛之彼岸

佛知已涅槃

天復以偈讚言

往昔已曾見 婆羅門涅槃 嫌怖久捨離

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大
明却坐一面而說偈言

比丘得羅漢 盡諸有漏法 如是滅結者

住於最後身 僞說言是我 僞說言非我

爾時世尊以偈答曰

比丘得羅漢 盡諸有漏法 如斯滅結者
住於最後身 內心終不著 我及以非我
隨順世俗故 亦說我非我
天復以偈讚言

往昔已曾已 婆羅門涅槃 嫌怖久捨離
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園爾時羅
睺羅阿脩羅王手障於月時月天子極大驚怖身毛
爲豎往詣佛所頂禮佛足卽說偈言

如來大精進 我今歸命禮 能於一切處
悉皆得解脫 今遭大艱難 願作我歸依
世間之善逝 應供阿羅漢 我今來歸依
如來愍世間 使彼羅睺羅 自然放捨我
爾時世尊說偈答曰

月處虛空中 能滅一切闇 有大光明照
清白悉明了 月是世明燈 羅睺應速放
羅睺聞偈已 心中懷戰慄 流汗如沐浴
卽速放彼月

時跋羅蒲盧旃見阿脩羅王速疾放月卽說偈言

汝何故驚懼 速疾放於月 身汗如沐浴
掉動如病者

時阿脩羅復說偈言

我聞佛說偈 若不放月者 頭當破七分
終不見安樂

時跋羅蒲盧旃復說偈言

佛出未曾有 見者得安隱 阿脩羅說偈
卽時放於月

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大

明却坐一面而說偈言

汝手爲有杻 及有絆桁械 不處於牢獄
乃至繫閉不

爾時世尊以偈答曰

我都無手杻 及以諸桁械 羈絆繫閉等
一切皆永滅 夜叉汝當知 我脫如是事

天復以偈問曰

云何名爲杻 云何是桁械 云何是羈絆
云何爲繫閉

佛復以偈答曰

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

母即名為杻 婦名為桁械 子名為羈絆

愛名為繫閉 我無母之杻 亦無妻桁械

無有子羈絆 復無愛繫閉

天復說偈言

善哉得無杻 亦無有桁械 善哉無羈絆

無繫閉亦善

天復以偈讚言

往昔已曾見 婆羅門涅槃 嫌怖久捨離

能度世間愛

爾時此天說此偈已歡喜還宮

如是我聞一時佛在釋翅鳩羅脾大斯聚落爾時世
尊剃除鬚髮未久之間晨朝早起正身端坐以衣覆
頭時彼鳩羅脾大斯聚落之中有一天神來至佛所
而問佛言汝愛愁耶佛言我無所失何故憂愁天神
復言汝歡喜耶佛答之曰我無所得何故歡喜復言
沙門汝不憂愁不歡喜耶佛言誠如所言天即說偈
言

比丘汝云何 得無煩惱耶 汝無少歡喜

獨坐於林野 是處難忍樂 而汝於今者

不為不忍樂 之所覆蔽障

經 卷之九 一

爾時世尊以偈答曰

我都無煩惱 安住得解脫 亦無有歡喜
不樂所不亂 天神應當知 是故能獨住

天神復以偈問言

比丘汝今者 何故無煩惱 云何無歡喜
而獨住林野 不爲彼不樂 之所覆蔽障

爾時世尊以偈答曰

歡喜卽煩惱 煩惱卽歡喜 我無喜煩惱
天神應當知

天神復說偈言

比丘快善哉 而無諸煩惱 亦無有歡喜
無歡喜善哉 善哉處閑獨 不樂所不亂

天神復以偈讚言

往昔已曾見 娑羅門涅槃 嫌怖久捨離
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大
明却坐一面而說偈言

端坐百牟鉞 頭上亦火然 應勤思方便

而斷於欲結

爾時世尊以偈答曰

端坐百牟鍍 頭上亦火然 念覺之比丘

應勤思方便 而斷於邊見 及以吾我見

天復以偈讚言

往昔已曾見 娑羅門涅槃 嫌怖久棄捨

能度世間愛

爾時此天說是偈已歡喜還宮

如是我聞一時佛在舍衛國祇樹給孤獨園時有一

天光色倍常於其夜中來詣佛所威光普照遍于祇

洹赫然大明却坐一面而說偈言

天女侍左右 毗舍闍克滿 愚癡黑闇林

云何得過去

爾時世尊以偈答曰

正直名爲道 無畏名方便 無聲名快樂

能覆善覺觀 慙愧爲拘勒 念爲諸翼從

智慧爲善乘 正見爲引導 男子若女人

能乘是乘者 必捨棄名色 離欲斷生死

天復以偈讚言

往昔已曾見 娑羅門涅槃 嫌怖久捨離

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

九門四輪轉 內盛滿重銅 深淤泥之中

云何而得出

爾時世尊以偈答曰

斷於喜愛結 及以欲貪惡 拔於愛根本

然後安隱出

天復以偈讚言

往昔已曾見 婆羅門涅槃 嫌怖久捨離

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

云何外髻髮 內亦有髻髮 世界俱髻髮

我今問瞿曇 云何令髻髮 作於不髻髮

爾時世尊以偈答曰

堅持立禁戒 修心及智慧 勤行於精進
具念名比丘 速能令髻髮 作於不髻髮

天復以偈讚言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

出家甚爲難 極難難可見 愚者作沙門

多有苦事難 怖畏懈怠者 常無歡喜見
云何而得行 於彼沙門法 不能禁其心
數生不歡喜 想欲得自在 云何而除滅
爾時世尊以偈答曰

比丘覆惡覺 譬如龜藏六 比丘無所依
亦不惱害彼 比丘入涅槃 都無有譏論

天復以偈讚言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

睡眠厭輦伸 輦伸而不樂 飲食不調適
并心下狹劣 五事來覆障 不得見聖道
爾時世尊以偈答曰

若人睡臥厭 輦伸而不樂 飲食不調適
并其心下劣 精神捨五事 後必見聖道
天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

池水云何竭 有何流還返 世間之苦樂
何處都消盡

爾時世尊以偈答曰

眼耳與鼻舌 并及於身意 名色都消盡
如是池枯竭 盡於諸結業 世間之苦樂

於斯盡無餘 亦無有還返

天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一天光色倍常於其夜中來詣佛所威光普照遍于祇洹赫然大明却坐一面而說偈言

牟尼之世雄 猶如伊尼延 少食不嗜味

寂然處林坐 我今有少疑 欲問於瞿曇

苦從誰出要 云何解脫苦 苦於何處盡

願爲決所疑

爾時世尊以偈答曰

世間有五欲 意第六顯現 除斷於喜欲

遠離一切苦 是名苦出要 亦名苦解脫

斯處名盡滅 是事汝當知

天復以偈讚言

往昔已曾見 婆羅門涅槃 嫌怖久捨棄

能度世間愛

爾時此天說此偈已歡喜還宮

經
如是聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

都無所攀緣

又無安足處

甚深洪流中

誰能不沉沒

誰有勤精進

能度瀑駛流

爾時世尊以偈答曰

淨持於禁戒

修智及禪定

觀察內身念

難度而得度

得離於欲結

出過色有使

盡於歡喜有

如是能履深

而不爲沒溺

能度瀑駛流

天復以偈讚言

往昔已曾見

婆羅門涅槃

嫌怖久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常赫然大明遍于祇洹來詣佛所頂禮足
已在一面坐問言瞿曇汝今能知一切衆生所著所
縛及知一切衆生得解脫者并淨解脫不爾時世尊
卽告天曰我實盡知一切之所縛著及得解脫盡解
脫淨解脫者天復問言瞿曇云何能知一切衆生之

所縛著得解脫盡解脫淨解脫耶佛復告言我盡觀
見有汝天當知今我之心得善解脫得解脫故能知
衆生之所縛著得解脫盡解脫淨解脫亦悉知之天
卽讚言善哉善哉瞿曇知縛著乃至能知得淨解脫
天復以偈讚言

往昔已曾見 婆羅門涅槃
嫌怖久棄捨 能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光顯照遍于祇

洹晃然大明却坐一面而問佛言瞿曇汝爲能度瀑
駛流耶爾時世尊答言實爾天言瞿曇如此駛流深
廣無際傍無攀緣中無安足而能得度甚爲奇特佛
言實爾天復問曰瞿曇汝今云何於此駛流無可攀
挽無安足處而能得度佛答天曰若我懈怠必爲沉
沒若爲沉沒必爲所漂若我精進必不沉沒若不沉
沒不爲所漂我於如是大洪流中無有攀挽無安足
處而能得度此大駛流天卽讚言善哉善哉比丘於
此駛流無所攀挽而能得度甚爲希有
天復以偈讚言

我昔已曾見 婆羅門涅槃 久捨於嫌怖
能度世間愛

爾時此天說此偈已歡喜還宮

牟鍍及天女 四轉輪髻髮 睡厭極難盡

伊尼延駛流 無縛著解脫 而能得濟度

如是我聞一時佛在舍衛國祇樹給孤獨園時有一
天光色倍常來詣佛所身光顯照遍于祇洹赫然大
明却坐一面而說偈言

世間常驚懼 衆生恒憂惱 未得財封利
及已得之者 於得不得中 能無喜懼心

如斯之等事 唯願爲我說

爾時世尊以偈答曰

若有智慧者 苦行攝諸根 棄捨一切務

除如此等人 更無出生死 若不捨諸務

常處於生死 驚畏而怖迫 憂愁等諸患

苦惱所纏逼 若捨於一切 能除上諸患

則離於生死 憂怖等諸惡

天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

誰得色最勝 誰乘和合逝 當於其處住

習學何事業 是何等種類 而能供養天

爾時世尊以偈答曰

持戒有智慧 善能修已者 念禪不放逸

除去四熱惱 正法意解脫 如此得上色

美妙獲最勝 和合斯乘道 應形彼處住

習學於善法 若有如是人 名知供養天

天復以偈讚言

往昔已曾見 娑羅門涅槃 嫌怖久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光色倍常於其夜中來詣佛所威光普照遍于祇
洹赫然大明却坐一面而說偈言

羅吒國商估 財產極巨富 各各相貪利

貪求無厭足 為財產鬪諍 愛欲結流漂

經 訂釋推可入卷之七 七 四一

如斯之等類 誰能捨欲愛

爾時世尊以偈答曰

棄捨衆緣務 妻子及六畜 一切所翫愛

除去欲貪癡 捨欲而出家 此能斷欲結

永捨於一切 漂沒及諍訟

爾時天復以偈讚言

往昔已曾見 婆羅門涅槃 嫌怖久棄捨

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園爾時佛

告諸比丘於往昔時俱薩羅國有五百乘車而以爲
伴行到曠野險難之處無有水草有五百賊尋逐其
車規欲勦掠時有天神住曠野中知賊欲劫而作是
念我今當往詣彼車所我當問之彼若能答當爲救
護設有不通我當放捨思惟是已尋卽來到行客車
前身光遍照五百乘車盡皆大明卽便以偈問商估
言

誰於寤者名爲睡 誰於睡者名爲寤

誰能解達如斯義 宜知是時應答我

時商估中有優婆塞於三寶所深得淨信歸佛法僧

於佛法僧得了決定無有狐疑又於四諦亦無疑心
已得見諦獲於初果晨朝早起正身端坐繫念在前
高聲誦經誦法句偈及波羅經種種經偈彼優婆塞
說偈答言

我於寤者名爲睡

我於睡者名爲寤

我知斯事悉明了

是故今者以偈答

爾時天神以偈問言

汝今云何作是言

我於寤者名爲睡

我於睡者名爲寤

云何知此而答我

優婆塞以偈答言

斷除貪欲瞋恚癡

諸漏已盡阿羅漢

彼稱爲寤我名睡

不知苦集及滅道

我於彼睡名爲寤

天神汝今應當知

天神復說偈問言

善哉於寤名爲睡

汝能善解答我問

久來不見法兄弟

今得相見大歡悅

今爾衆伴爲汝故

一切安隱得歸還

佛說是已諸比丘聞佛所說歡喜奉行

如是我聞一時佛在舍衛國祇樹給孤獨園爾時佛
告諸比丘乃往古昔輸波羅城有優婆塞所居住處

諸優婆塞咸共集會於其堂上呵欲之過欲現外形
如露白骨又如肉段衆鳥競逐欲如糞毒亦螫亦汗
又如火坑亦如疥人向火癢痛逾增其疾又如向風
執炬逆走若不捨捨必爲所燒亦如夢幻又如假借
亦如樹果又如矛戟欲爲不淨穢惡克滿如食不消
噓臭可惡雖復共集種種言說呵欲之過然其還家
各自放逸時優婆塞所集堂神而作是念諸優婆塞
集會此堂說欲過患及其還家嗜欲滋甚不名清淨
不依法行我今爲彼作諸觸惱令其覺悟作是念已
時彼堂神於優婆塞集會之時卽說偈言

優婆塞集論

說欲是無常

汝等還自爲

欲流所沉沒

譬如深淤泥

老牛墜在中

如今我觀察

優婆塞衆多

多聞持禁戒

唯說一欲過

言欲是無常

但空有是言

實無棄欲心

貪著男女相

貪著名非法

汝等宜捨棄

於佛教法中

應如法修行

爾時堂神說如是偈諸優婆塞聞是偈已皆悉解悟
厭惡於欲剃除鬚髮信家非家出家學道勤行精進
修戒定慧悉皆獲得阿羅漢果佛說是已諸比丘聞
佛所說歡喜奉行

如是我聞一時佛在王舍城迦蘭陀竹林時須達多
長者有少因緣從舍衛國至王舍城詣護彌長者家
見其家中竟夜不睡破薪然火辦諸供具安置高座
敷諸牀榻須達多長者見是事已作是思惟今此長
者施設供具爲欲結婚歡樂宴會爲欲屈彼頻婆娑
羅王及大臣乎復更思念若請國王及以官屬婚姻
宴會而此長者不應躬身而自栖栖執於勞苦然火
作食必有勝人不審是誰我今當問思惟是已卽以
所念問於長者時護彌長者卽答之曰我亦不爲婚
姻歡會亦不屈請頻婆娑羅王及大臣等而爲此會

我於明日將欲請佛及比丘僧故設斯供須達多長
者初聞佛名身毛爲豎驚喜問言云何名佛護彌答
言釋種出家剃除鬚髮成於無上正真之道號曰爲
佛須達多又問云何名僧長者答曰若刹利子剃除
鬚髮隨佛出家婆羅門種居士種首陀羅種如此之
等信家非家隨佛出家是名爲僧我於今者請佛及
僧須達多問言今日如來爲可見不護彌答言如來
近在迦蘭陀竹林爾今小待佛當自來受我供養時
須達多內心踊躍思覩世尊便小睡眠眠已尋寤天
猶未曉意謂平旦卽便早起趣於城門然彼城門初

夜後夜二時常閉時須逢多既至門下見城門開謂
天已曉卽出門外欲詣佛所先以念佛故有光明來
照其身到城外已見一天祀卽時遶祀恭敬禮拜還
復黑闇心自念言天大黑闇若人非人或能害我當
還入城時尸婆天神放光照曜乃至祇洹悉皆大明
天神卽語須逢多言汝可前進不宜退還爾時天神
卽說偈言

假使百匹馬 載滿衆珍寶 卽及百金人
以持用布施 如是展轉施 遍滿閻浮提
如是功德聚 以用爲一分 不如有一人

發心向佛所 舉足行一步 十六分中一
假使雪山中 所有大力象 其數足滿百
金寶莊校身 其體甚殊大 其行極迅疾
暴逸倍有力 滿載諸雜寶 以此用布施
不如向佛所 一步之功德 十六分中一
假使斂摩者 所出之寶女 顏容甚端嚴
其數足滿百 瓔珞以嚴身 真金爲首飾
頭著寶珠瓔 此以用布施 所得之功德
不如向佛所 舉足行一步 十六分中一
是故我勸爾 於此莫退還

時須逢多卽問之曰汝是誰耶天卽答言我是汝昔
日親舊善身摩納於舍利弗大目連所臨終之時生
歡喜心命終生天得爲北方天王毗沙門子我於如
來弟子所發心隨喜尚獲此福況復佛也時須逢多
復自念言今此天神稱讚乃爾以此量之必知彼人
功德尊勝爾時世尊露地經行須逢多長者卽詣佛
所初見世尊不知禮敬輒前直坐時彼天神化作婆
羅門來至佛所遶佛三匝頂禮恭敬然後就坐時須
逢多旣見之已方効於彼禮敬而坐問訊不審聖體
安樂以不爾時世尊以偈答言

一切事安樂

婆羅門涅槃

無爲欲所汗

解脫於諸有

心斷諸欲求

心除熱惱病

其心得清淨

寂滅安隱眠

爾時世尊卽將長者須逢多入於房中敷座而坐時
須逢多禮佛足已在一面坐佛爲種種說法示教利
喜施論戒論生天之論欲爲不淨出要爲樂佛知須
逢多心意專正踊躍歡喜佛爲說四真諦卽於座上
見四真諦如新淨甕易受染色須逢多易悟亦復如
是見法證法斷八十億洞然之結得須陀洹卽從座
起整衣服禮佛足已白佛言世尊我名須逢多我以

布施貧乏之故諸人稱爲給孤獨氏佛言汝是何國
人出生何種族須逢白言我所出生舍衛國唯願世
尊往詣彼國我當終身施設供養佛告須逢多彼國
爲有僧坊以不須逢多白佛言世尊但往於彼我當
營造使諸比丘來往於彼爾時如來默然受請時須
逢多聞佛所說并受其請頂禮佛足歡喜而去

如是我聞一時佛在舍衛國祇樹給孤獨園爾時須
逢多長者遇病困篤於時世尊聞其病甚卽於晨朝
著衣持鉢往詣其家須逢多長者遙見佛來動身欲
起佛告長者不須汝起爾時世尊別敷座坐佛告長

者汝所患苦爲可忍不醫療有降不至增乎長者白
佛今所患苦甚爲難忍所受痛苦遂漸增長苦痛逼
切甚可患厭譬如力人以繩繫於弱劣者頭總掣掣
頓揉捺其頭我患首疾亦復如是譬如屠家以彼利
刃而開牛腹撓攪五內我患腹痛亦復如是譬如二
大力士捉彼羸瘦極患之人向火拷炙我患身體煩
熱苦痛亦復如是佛告長者汝於今者應於佛所生
不壞信法僧及戒亦當如是長者白言如佛所說四
不壞信我亦具得佛告長者依四不壞爾今次應修
於六念汝當念佛諸功德憶佛十號如來應供正遍

知明行足善逝世間解無上士調御丈夫天人師佛
世尊是名念佛云何念法如來所說勝妙之法等同
慶善現在得利及獲得證離諸熱惱不擇時節能向
善趣現在開示乃至智者自知是名念法云何念僧
常當憶念僧之德行如來聖僧得向具足應病授藥
正真向道所行次第不越限度能隨於佛所行之法
須陀洹果向須陀洹斯陀舍果向斯陀舍阿那含果
向阿那含阿羅漢果向阿羅漢是名如來聲聞僧具
足戒定慧解脫解脫知見爲他所請如是等僧宜應
敬禮合掌向之是名念僧云何念戒自念所行滿足

之戒白淨戒不瑕戒不缺戒不穿漏戒純淨戒無垢
穢戒不求財物戒智者所樂戒無可譏嫌戒次應自
念是名念戒云何念施已所行施我得善利應離慳
貪行於布施心無所著悉能放捨若施之時手自授
與心常樂施無有厭倦捨心具足若有乞索常爲開
分是名念施云何念天常當護心念六欲天念須陀
洹斯陀舍生彼六天須逢多白佛言世尊如佛所說
六念之法我已具修須逢多白佛唯願世尊在此中
食佛默受請日時旣到須逢多長者爲於如來設眾
餽饌種種備具清淨香潔設是供已合掌向佛而作

是言世尊出世難可值遇佛爲長者種種說法示教
利喜從座而去須逢多長者於佛去後尋於其夜身
壞命終得生天上旣生天上尋還佛所須逢多天子
光色倍常照于祇洹悉皆大明頂禮佛足在一面坐
而說偈言

| | | |
|-------|-------|-------|
| 此今猶故是 | 祇洹之園林 | 僊聖所住處 |
| 林池甚閑靜 | 法主居其中 | 我今生喜樂 |
| 信戒定慧業 | 正命能使淨 | 若能修如是 |
| 向來之上行 | 非種姓財富 | 能得獲斯事 |
| 智慧舍利弗 | 寂然持禁戒 | 空處樂恬靜 |

最勝無倫匹

佛告天曰如是如是爾時世尊卽說偈言

| | | |
|-------|-------|-------|
| 信戒定慧業 | 正命能使淨 | 非種姓財富 |
| 能獲如斯事 | 智慧舍利弗 | 寂滅能持戒 |
| 空處樂恬靜 | 最上無倫匹 | |

須逢多天子聞佛所說歡喜頂禮於座上沒還於天
宮

爾時世尊於天未曉入講堂中敷座而坐告諸比丘
向有一天光色倍常來詣我所其光暉曜普照祇洹
悉皆大明禮我足已卻坐一面而說斯偈

此今猶故是 祇洹之園林 僊聖所住處

林池甚閑靜 法王居其中 我今生悅樂

信戒定慧業 正命能使淨 若能修如是

向來之上事 非種姓財富 能獲如斯事

智慧舍利弗 寂然持禁戒 空處樂恬靜

最勝無倫匹

爾時尊者阿難在如來後聞天說偈卽白佛言此必

是須逢多長者得生天上是故還來讚舍利弗佛言

如是如是彼須逢多生天上來至我所說如斯偈爾

時阿難及諸比丘聞佛所說歡喜奉行

如是我聞一時佛在曠野國第一林中時首長者身

遇困疾爾時世尊聞其患已後日晨朝著衣持鉢往

詣其家時首長者逢見佛來動身欲起佛告長者不

須汝起佛卽慰問汝其患苦爲可忍不醫療有降不

至增耶長者白佛今我患苦極爲難忍所受痛劇遂

漸增長苦痛逼切甚可厭患譬如有力之人以手總

撼無力者頭揉捺牽制我患頭痛亦復如是譬如屠

者以彼利刀撓攪牛腹腸胃寸絕我患腹痛亦復如

是譬如二大力人捉一羸病向火烤炙身體集爛患

體熱痛亦復如是佛告長者汝今應於佛所生不壞

信法僧及戒亦當如是長者白佛如佛所說四不壞
信我已具得佛告長者依於如是四不壞信應修六
念長者白佛如此六念我已具修時首長者卽白佛
言唯願世尊在此中食佛默然受請日時已到彼首
長者爲於如來設衆餽餽種種備具清淨香潔設是
供已尋便奉施合掌向佛而作是言世尊出世難可
值遇佛爲長者種種說法示教利喜從座而去時首
長者如來去後尋於其夜身壞命終生無熱天旣生
天已卽作此念我於今者應徃佛所作是念已尋來
佛所光色倍常照于祇洹悉皆大明頂禮佛已却坐

一面身淋入地譬如酥油佛告天子汝可化爲麤身
當作住想時首天子受佛勅已卽便化作欲界麤形
不復淋沒佛告首天子言汝行幾法不生厭足身壞
命終生無熱天首天白佛我行三法心無厭足故得
生天見佛聽法供養衆僧無厭足故命終得生無熱
天上時首天子卽說偈言

我樂常見佛 不捨於聽法 供養比丘僧
受持賢聖法 調伏貪嫉心 得生無熱天

時首天子說是偈已歡喜頂禮卽從座沒還於天宮
如是我聞一時佛在舍衛國祇樹給孤獨園時有一

天來至佛所光色倍常威光暉曜遍照祇洹悉皆大明卻坐一面而說偈言

七比丘解脫 生於無煩天 盡於善愛有
度世間愛著 誰使度駛流 而此駛流者
死極得自在 甚難可得度 誰救死縞涼
出過天境界

爾時世尊以偈答言

優毗羅建陀 第三弗羯羅 跋直羯提婆
婆睺提毗紐 如是等比丘 盡度於駛流
能度死自在 盡斷生死縞 出過於天界

言說極深遠 難識難可解 所說無不善
汝是何天耶 來問我此事

爾時此天以偈答曰

我不還此有 名爲無煩天 是故我盡知
七比丘解脫 斷棄於愛有 度世之縛結
我生天先緣 今日常具說 梵行盡於漏
迦葉優婆塞 瓦師養父母 遠離於五欲
迦葉及父母 愛答摩納等 彼是我親友
我亦與彼昵 淨身守口意 盡住最後身
如是諸大人 我共爲善伴

爾時世尊復答天曰如是如是實如所說

瓦師如爾言 本毗婆陵伽 難提婆瓦師

迦葉優婆塞 孝事於父母 梵行盡於漏

彼與我親友 我亦為彼親 如是諸大人

本日相親近 善修身口意 住於最後身

爾時彼天聞佛所說歡喜頂禮而去

常驚恐顏色 羅吒國估客 輸波羅須逢

須逢多生天 普長者生天 又有無煩天

別譯雜阿含經卷第九

校譌

第十一紙十八南藏作

音釋

隴候隴力董切候郎計切慳隴候多惡不調也慳力質切桁胡郎切大

銳七九切駛疾士切挽無遠切勳掠勳匹照切勳掠

劫奪於月切噓常利切撼民烈切捺奴曷切霜按也

涼絹古滋切
涼其亮切

丹陽居士賀懋熙懋照懋熒懋燾懋燁仰承
先嚴賀學禮遺願施費刻此
別譯雜阿含經第九卷 計字九千零五十箇
該銀四兩七錢整
江陰釋在琳對長洲徐普書粟水陳應武刻
萬曆戊午歲夏六月徑山化城寺識

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

別經卷一

一

四二

口意宜修善 不應作眾惡 身不以小惡

加害於世間 觀欲空無實 修於念覺意

若不自樂苦 莫作損減業

時波純提女聞佛所說歡喜頂禮即於座沒還于天宮

如是我聞一時佛在舍衛國祇樹給孤獨園爾時阿難告諸比丘我今欲演四句之法咸當善受至心諦聽憶持莫忘云何名為演四句法

口意宜修善 不應作諸惡 身不以小惡

加害於世間 觀欲空無實 修於念覺意

若自不樂苦 莫作損減業

時有一婆羅門去阿難不遠聞說斯偈即便思惟如此偈義義味深遠非是人作必是非人之所宣說當往問佛作是念已時婆羅門即詣佛所問訊已訖在一面坐白佛言瞿曇我從阿難聞說此偈如我思惟此偈句義非人所作佛告婆羅門實爾實爾實是非人之所宣說非人所造我於往時在王舍城耆尼山中求迦尼娑天女來請我所頂禮我已在一面坐即說斯偈而斯偈者實非人說時婆羅門聞佛所說歡喜而去

經

別經卷一

二

四二

如是我聞一時佛在王舍城耆尼山中時求迦尼婆
天本是波純提女身光晃曜猶如電光淳誠至信歸
依三寶來詣佛所在一面坐以此光明普照此山悉
皆洞然求迦尼婆天女卽說偈言

我今以種種讚詠佛法僧今但略宣說

隨意所樂足口意宜修善不應造衆惡

身不以小過加害於世間觀欲性相空

修於念覺意若自不樂苦莫作損減業

爾時世尊告天女言如是如是如汝所說求迦尼婆
天女聞佛說已歡喜頂禮於此處沒還于天宮

如是我聞一時佛在毗舍離北獼猴彼岸精舍之中
時波純提天女拙羅天女光色倍常往詣佛所頂禮
佛足在一面坐時此二天女放大光明遍照獼猴及
毗舍離悉皆大明時拙羅天女卽說偈言

世尊婆伽婆無上等正覺在於毗舍離

住於大林中求迦尼婆天并及於拙羅

波純提女等稽首尊足下我往昔曾聞

能善稱說法牟尼世尊者今現在演說

諸有生譏毀如斯深法者是則名愚癡

後必墮惡趣有能讚聖法成就具於念

是名有智者 後必生善處
時求迦尼娑天女復說偈言

口意宜修善 不應造衆惡 身不以小惡
加害於世間 觀欲性相空 修於念覺意
若自不樂苦 莫作損減業

爾時世尊告天女言如是如是如汝所說時天女等
聞佛說已歡喜而去

如是我聞一時佛在舍衛國祇樹給孤獨園時有一
天於其夜中來詣佛所威光大明遍照祇洹頂禮既
已退坐一面而說偈言

不觸者勿觸 觸者必還報 以如是一事
不應妄有觸 若非津濟處 不應作度意
爾時世尊以偈答曰

可瞋而不瞋 清淨無結使 若欲惡加彼
惡便來及已 如逆風揚土 塵來自全身
欲以瞋加彼 彼受必還報 是二竝名惡
兩俱不脫患 若瞋不加報 能伏於大怨

爾時天復以偈讚言

往昔已曾見 娑羅門涅槃 久棄捨嫌怖
能度世間愛

爾時此天說此偈已歡喜而去

如是我聞一時佛在舍衛國祇樹給孤獨園時有一
天光顏熾盛容色殊常來詣佛所頂禮佛足在一面
坐而說偈言

嬰愚少智者 造於諸惡業 爲已自作怨
後受大苦報

爾時世尊以偈答曰

所作業不善 作已自燒煮 愚癡造衆惡
受報悲啼哭

天復以偈讚言

往昔已曾見 婆羅門涅槃 久棄捨嫌怖

能度世間愛

爾時此天說此偈已歡喜頂禮還于天宮

如是我聞一時佛在舍衛國祇樹給孤獨園時有一
天威容光赫顏色殊常來詣佛所既頂禮已退坐一
面而說偈言

不以言說故 得名爲沙門 此實趣向道
成就堅履跡 若有勇健者 能深修禪定
獲得於解脫 壞於魔結縛 作及不作業
二俱稱實說 詐僞無誠信 智者所棄捐

已身實無德 虛讚已自驕 詐僞虛誑說

世間之大賊

爾時世尊以偈答曰

不顯已功德 不知他心行 知已復涅槃

能度世間愛

爾時此天聞佛偈已而白佛言我於今者實有罪過
唯願聽我誠心懺悔時佛默然天復說偈言

今我說罪悔 汝不受我悔 懷惡心不善

不捨於怨嫌

世尊以偈復答天曰

說罪言懺悔 內心實不滅 云何除嫌隙

云何如得善

天又說偈重問曰

人誰無憊過 人誰無誤失 阿誰離愚癡

阿誰常具念

爾時世尊以偈答曰

如來婆伽婆 正智得解脫 彼無諸憊過

亦復無得失 彼已離愚癡 能具於正念

天復以偈讚言

我昔已曾見 婆羅門涅槃 久棄捨嫌怖

能度世間愛

爾時此天說此偈已歡喜而去

如是我聞一時佛在王舍城迦蘭陀竹林爾時提婆
逢多友瞿迦黎往詣佛所在一面立佛告瞿迦黎汝
於舍利弗有緣莫生嫌想舍利弗目連淨修梵行心
意柔輒汝莫生嫌長夜受諸苦惱瞿迦黎言我信佛
語我隨於佛然舍利弗目連實有惡欲惡欲於彼實
得自在彼隨惡欲佛復告瞿迦黎汝今勿於彼二人
所生嫌恨心如是不至三而瞿迦黎雖聞佛言惡心不
改捨佛而去去佛不遠身生惡瘡初如芥子須臾之

頃猶如豆許復漸長大如毗梨果身體爛潰膿血流
出身壞命終墮大蓮華地獄時有三天光色倍常於
其夜中來至佛所頂禮佛足在一面立第一天白佛
言世尊瞿迦黎是夜命終第二天言墮大蓮華地獄
第三天卽說偈言

夫人生世

芥在口中

由其惡言

自斬其身

應讚而毀

應毀而讚

口出綺語

後受苦殃

綺語奪財

是故小過

謗佛賢聖

是名大患

受苦長遠

具滿百千

入尼羅淨

及三十六 入阿浮陀 乃至墮彼

五阿浮陀 誹謗賢聖 口意造惡

入斯地獄

時彼三天禮佛足已還於天宮

爾時佛告諸比丘汝等欲聞彼阿浮陀地獄壽命長短以不比丘白言願為我說我等聞已信受憶持爾時世尊告諸比丘二十佉利胡麻得波羅捺滿溢一車有長壽天足滿百年取其一粒如是胡麻一切都漸此阿浮陀地獄所得壽命猶故未盡此二十阿浮陀觶成一尼羅浮陀二十尼羅浮陀觶一呵吒吒二

早眠而晚起 懈怠於事務 而復喜瞋恚

如斯之等人 亦名輕賤首 耳璫及環釧

擎蓋錦履屐 貧窮自嚴飾 是名輕賤首

財物既少 愛著情愈濃 雖生刹利種

冥求得王位 如是愚癡人 是名輕賤首

財寶基業大 多眷屬親友 自身於美味

不分施與他 受他好飲食 及得財寶利

彼來至已家 都無報答心 乃至不與食

是名輕賤首 父母年朽邁 衰老既至已

自食於甘美 終不知供養 如斯之等人

是名輕賤首 父母及兄弟 親屬并姊妹
打罵出惡言 是名輕賤首 沙門婆羅門
中時來至家 不請不施食 是名輕賤首
沙門婆羅門 及貧窮乞匄 罵辱不施與
是名輕賤首 謗佛及聲聞 出家在家人
爲此非法事 是名輕賤首 實非是羅漢
自稱是羅漢 天人婆羅門 沙門中大賊
若爲如是者 是名輕賤首 如斯之等類
爲他所輕賤 世間可輕賤 我悉知見之
宜應遠捨離 如怖畏險道

十呵吒吒觶一睺睺二十睺睺觶一蓮華地獄二十
蓮華地獄觶一大蓮華地獄瞿迦梨比丘以謗舍利
弗目連故墮是大蓮華地獄中佛告諸比丘被燒焦
柱尚不應謗況情識類佛說是已諸比丘聞佛所說
歡喜奉行

如是我聞一時佛在舍衛國祇樹給孤獨園時有一
天光色倍常威顏晃曜遍照祇洹來詣佛所頂禮退
坐一面而說偈言

云何輕賤他 及不輕賤他 爲他所輕賤
以何爲首目 我今問如來 大僊爲我說

爾時世尊以偈答曰

| | | |
|-------|-------|-------|
| 善知不輕賤 | 不知名輕賤 | 樂法名恭敬 |
| 慢法名不恭 | 不近善知識 | 是名不敬首 |
| 樂行於非法 | 親友生怨嫉 | 與怨爲親友 |
| 是爲不敬首 | 如有婦女人 | 履行不貞良 |
| 好與姦姪通 | 作於無理行 | 男子違禮度 |
| 其義亦復然 | 如是等名爲 | 輕賤之元首 |
| 斗秤欺誑人 | 巧僞不均平 | 苟且懷貪利 |
| 是名輕賤首 | 博奕相侵欺 | 損喪錢財盡 |
| 如是等名爲 | 輕賤之首目 | 嗜睡著美味 |

天復以偈讚言

| | | |
|-------|-------|-------|
| 我昔已曾見 | 婆羅門涅槃 | 久棄捨嫌怖 |
| 能度世間愛 | | |

爾時此天說此偈已歡喜而去

如是我聞一時佛在舍衛國祇樹給孤獨園時有一天顏容暉赫光色甚明遍于祇洹來詣佛所頂禮足已退坐一面而說偈言

| | | |
|-------|-------|-------|
| 誰名爲敬順 | 誰名爲陵邈 | 誰爲嬰愚戲 |
| 如小兒弄土 | | |

爾時世尊以偈答曰

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經 卷之十

男子若敬順 女人必陵邈 男子若陵邈 女人必敬順
女人必敬順 女人嬰愚戲 如小兒弄土

天復以偈讚言

我昔已曾見 娑羅門涅槃 久棄捨嫌怖
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天身光晃曜猶如電光遍照祇洹赫然甚明來詣佛
所頂禮足已退坐一面而說偈言

覺觀意欲來 遮止應遮止 一切盡遮止

不造生死塵

爾時世尊以偈答曰

覺觀意欲來 遮止應遮止 不應一切遮
但遮惡覺觀 惡意應遮止 遮止能遮止
若能如是者 不為生死遮

天復以偈讚言

我昔已曾見 娑羅門涅槃 久棄捨嫌怖
能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有

經 卷之十 丁巳年行全卷一 四二

經
另開雜阿含經卷一
二
四
天身光晃曜遍照祇洹來詣佛所禮佛足已退坐一
面而說偈言

云何得名稱 云何得財寶 云何得稱譽

云何得親友

爾時世尊以偈答曰

持戒得名稱 布施得財寶 實語得稱譽

普施衆皆親

天復以偈讚言

我昔已曾見 婆羅門涅槃 久棄捨嫌怖

能度世間愛

爾時此天說此偈已歡喜還宮

如是我聞一時佛在舍衛國祇樹給孤獨園時有一
天光顏晃曜赫然甚明遍于祇洹來詣佛所頂禮佛
足退坐一面而說偈言

云何生爲人 知見極明了 集諸財寶利

多少義云何

爾時世尊以偈答曰

先學衆技能 次集諸財寶 集財爲四分

一分供衣食 二分營作事 一分俟匱乏

種田是初業 商估是爲次 蓄息養牛羣

羔羊并六畜 復有諸子息 各爲取妻婦
出女并姊妹 及六畜家法 調和得利樂
不和得苦惱 作事令終訖 終不中休廢
智者善思惟 深知於得失 善解作不作
財寶來趣已 如河歸大海 勤修於事業
如蜂採衆華 日日常增長 晝夜聚財業
如彼蜂增長 財不寄老朽 不與邊遠人
惡人作鄙業 勢力勝已者 終不以財寶
與如是等人 與財爲親厚 債索時忿諍
怪哉財義利 失財失親友 但如法聚財

不應作非法 丈夫如法作 端嚴極熾盛
既能自衣食 又復惠施人 調適不失度
命終得生天

天復以偈讚言
我昔已曾見 婆羅門涅槃 久棄捨嫌怖
以度世間愛

爾時此天說此偈已歡喜還宮
如是我聞一時佛在舍衛國祇樹給孤獨園爾時佛
告諸比丘乃往古昔俱薩羅國有一善彈琴人名俱
菟羅涉路而行時有六天女各乘宮殿凌虛而行天

等出宮語此人言舅可爲我彈奏清琴我當歌儻時
彈琴人觀其容貌光明異常生希有想問言姊妹作
何功德得生斯處爾先爲我說其先因我當爲爾彈
奏清琴天女答曰汝今但當爲我彈琴我於歌中自
說往緣時俱窺羅於六天前卽鼓琴時第一天女而
說偈言

諸能以上衣 用施於他人 人中生尊勝
處天如我今 身如真金聚 光色甚喜悅
天女有數百 我爲最尊勝 施於所愛物
其福勝如是

第二天女復說偈言

若以諸上味 餽饍飲食施 生人爲男女
男女中最勝 若生於天上 猶如我今日
以捨所愛故 隨意受快樂 汝觀我宮殿
乘虛自在行 身如真金聚 光顏甚殊妙
天女有數百 我爲最尊勝 施上味飲食
獲勝報如是

第三天女復說偈言

若以勝妙香 布施而修福 生人得尊勝
處天如我身 以捨所愛故 隨意受快樂

汝觀我宮殿 乘空自在行 身如真金聚
光顏甚姝妙 天女有數百 我爲最尊勝
以施勝香故 獲報得如是

第四天女復說偈言

我本人中時 孝事難舅姑 罵詈麤惡言
我悉能忍受 是故於今者 獲得此天身
以能孝順故 隨意受快樂 汝觀我宮殿
乘空自在行 身如真金聚 光顏甚姝妙
天女有百數 我爲最尊勝 以能孝事故
獲勝報如是

第五天女復說偈言

我於先身時 屬人爲婢使 奉侍於大家
隨順不瞋戾 精勤不懈怠 早起而晚臥
若於大家所 得少飲食時 分施於沙門
及與婆羅門 是故得天身 隨意受快樂
汝觀我宮殿 乘空自在行 身如真金聚
光顏甚姝妙 天女數百中 我最爲尊勝
處賤修福田 獲勝報如是

第六天女復說偈言

我於先身時 得見於比丘 及以比丘尼

生大歡喜心 彼教我精勤 得聞彼說法
一日受齋法 是故今生天 隨意受快樂
汝觀我宮殿 乘空自在行 身如真金色
光顏甚姝妙 天女數百中 我爲最尊勝
汝今且觀我 以用善教故 獲勝報如是
時彈琴者復說偈言

我今極善行 可樂薩羅林 我今見天女
晃曜如電光 見聞如是事 還歸造功德
爾時比丘聞佛所說歡喜奉行
如是我聞一時佛在舍衛國祇樹給孤獨園時有一

天光色倍常來詣佛所頂禮佛足在一面坐是天威
德光明熾盛普照祇洹悉皆大明彼天爾時卽說偈
言

云何起必壞 云何遮不生 云何捨所畏
云何成法樂

爾時世尊以偈答曰

瞋恚起時滅 貪欲生必遮 棄無明無畏
證滅最爲樂 棄恚捨貪欲 出於諸結使
不著於色名 觀諸法空林 欲爲生死根
欲能生諸苦 斷欲得解脫 諸苦亦復然

若得解脫故 苦本亦解脫 嬰愚無智人
放逸不觀苦 是故沒苦海 纏縛無窮已
智者檢亂心 不宜著諸欲 夫爲放逸行
能壞禪定樂 是故應攝想 勿得著欲染
譬如巨富者 守護其珍寶
爾時天復以偈讚言

往昔已曾見 婆羅門涅槃 嫌怖已棄捨
能度世間愛

爾時此天說此偈已歡喜而去
如是我聞一時佛在舍衛國祇樹給孤獨園爾時有

一天光色倍常來至佛所頂禮佛足在一面坐是天
威德光明熾盛普照祇洹悉皆大明彼天爾時卽說
偈言

雖到於五塵 不名爲貪欲 思想生染著
乃名爲貪欲 欲能縛世間 健者得解脫
爾時世尊以偈答曰

欲性本無常 斷滅則悟道 著欲生繫縛
永不得解脫 若以信爲伴 不信莫由起
名稱轉增長 壽終得生天 若復斷除欲
不數數受有 不還來生死 永入於涅槃

知身空無我 觀名色不堅 不著於名色
從是而解脫 亦不見解脫 及以非解脫
哀愍利羣生 廣饒益一切
天復以偈讚言

往昔已曾見 婆羅門涅槃 嫌怖久捨離
能度世間愛

爾時此天說此偈已歡喜而去

如是我聞一時佛在舍衛國祇樹給孤獨園爾時有
天光明倍常來至佛所頭面禮佛在一面坐而說偈
言

應共誰止住 復應親近誰 從誰所受法
得利不生惡

爾時世尊以偈答曰
應共善人住 親近於善者 從彼人受法
得利不生惡 應共善人住 親近於善者
從彼人受法 智者得利樂 應共善人住
親近於善者 從彼人受法 智者得名譽
親近於善者 從彼人受法 智者得解慧
是故應共住 親近於善者 從彼人受法
親族中尊勝 能離於憂愁 於一切苦中

而能得解脫 遠離諸惡趣 能斷一切縛
純受上妙樂 得近於涅槃

天復以偈讚言

往昔已曾見 婆羅門涅槃 嫌怖久棄捨
能度世間愛

爾時此天說此偈已歡喜而去

如是我聞一時佛在舍衛國祇樹給孤獨園爾時有
天光明倍常普照祇洹悉皆大明來詣佛所頂禮佛
足卻坐一面而說偈言

貪恡貧窮苦 皆由不惠施 若欲求福德

智者應施與

爾時世尊以偈答曰

| | | |
|-------|-------|-------|
| 可怖莫過貪 | 貧乏恒飢渴 | 恐貧不布施 |
| 不施畏甚大 | 今世若後世 | 飢窮苦難計 |
| 若得少能施 | 得多亦能施 | 生時得快樂 |
| 壽終得生天 | 難施而能施 | 是名難作業 |
| 嬰愚不知解 | 諸佛賢聖法 | 愚智俱命終 |
| 生處各別異 | 愚者墮地獄 | 受於種種苦 |
| 智者生人天 | 乃可得解脫 | 貧窮拮拾活 |
| 以用養妻子 | 淨心割少施 | 其福無有量 |

設百千大祠 供養於一切 不及貧布施
十六分中一 大祠有鞭打 侵掠他財寶
種種苦惱人 以成大祠業 以惡聚財寶
衆皆不歡悅 如是不淨施 及以小淨施
受報有好醜 不可以相比 如法聚財物
終不非法求 得財捨用施 正直而施與
具戒修禪定 正直者受取 福聚布四方
猶如大海水
天復以偈讚言

往昔已曾見

婆羅門涅槃

嫌怖久捨離

能度世間愛

爾時此天說此偈已歡喜而去

如是我聞一時佛在王舍城毗婆山側七葉窟中時
佛爲佉陀羅刺脚極爲苦痛如來默受雖復苦痛無
所請求爾時有八天子顏容端正來詣佛所中有一
天言沙門瞿曇實是丈夫人中師子雖受苦痛不捨
念覺心無惱異若復有人於瞿曇大師子所生誹謗
者當知是人甚大愚癡第二天亦作是說瞿曇沙門
丈夫龍象雖受苦痛不捨念覺心無惱異若復有人
於瞿曇龍象所生誹謗者當知是人甚大愚癡第三

又ノ
卅九